

石

匱

書

石匱書卷第七十

明 蜀人張 岱著

馮國用馮勝傳友德列傳

馮勝列傳卷本名藏性國志卷之

馮國用定遠人弟勝初名國勝又名宗異漢馮異之後也兄弟並好儒書尤嗜孫吳國用風儀峻整器度恢豁勝偉貌長軀勇悍多智元乳鄉人寨于里推國用部寨太祖過妙山國用與勝用儒服入謁歸太祖所部太祖曰生委蛇若是儒耶有何奇可白

乃公國用對曰臣聞之有德昌有勢強金陵龍蟠虎踞帝王之都渡江而東先爭居之足下可以強然後觀天下之勢按次掃除勿貪子女玉帛倡仁義以拯水火足下可以昌太祖悅曰吾心也國用在

太祖左右忠謹無與比繇是兄弟俱備宿衛既渡江取太平元將陳也先與中丞蠻子海牙連兵入寇太祖擒也先釋之與之盟軟而哇國用曰哇軟必爽使攻瑩城米叛為溧陽人所誅其子兆先復與海牙

合國用從擒兆先又釋之太祖夜召兆先之壯士
五百人環寢帳前使國用執寢戈頃之從入金陵國
用先登敗元蔣山太祖有江左國用與勝皆有戰
功並為大元帥而國用尤用忠謹見親為帳前總制
親兵都指揮使常李善長亞久之從征紹興卒

太祖哭之恟賜葬江寧贈郢國公以子誠幼使勝嗣
兄職勝以庚子歲與常遇春伏騎石灰山邀擊漢戰
龍江兵辛丑從征漢至安慶太祖陳疑兵於陸勝

從水持其舟師入江州陞親軍都護癸卯從克呂珍
安豐陞同知樞密院事甲辰從降漢理武昌乙巳與
大將軍達出淮東攻吳高郵吳將詐開門降勝不逆
兵入幾盡吳將下縣閉門而殺之郭中太祖召勝
歸決之大杖復令徒步之高郵不予騎勝至則號召
其卒四門齊登一鼓破之還與大將軍圍吳元年
以平吳功遷大都督府右都督其冬與大將軍北伐
元克沂益兗濟太祖即皇帝位進秩太子右詹事

俄坐小法奪一官為都督同知與大將軍會取汴梁
河南二郡是時元將李思齊張思道守於潼關勝板
潼關先登謂大將軍曰謹守倘三秦門戶也大將軍
擇都督郭興守之勝遂取華州其時車駕幸汴趣入
謁授征虜右副將軍留守焉其冬從大將軍征山西
與湯和入懷慶獲將士八百餘人引兵至太行山破
碗子關進取澤潞至於衛氏轉克平陽及絳獲元將
士五百餘人二年授征西將軍大將軍引師還河中

勝與副將軍遇春先渡河趨陝至鳳翔李思齊奔臨
洮又趨之降其全部從大將軍征元將張良臣於慶
陽擴廓帖木兒使其將札兒攻原為良臣援勝移軍
扼原與徐禮去慶陽三十里軍驛馬關東還引兵與
大將軍克之轉下河州諸縣前是上諭大將軍慶
陽下則征西將軍權鎮之而大將軍等先還是冬大
將軍還之五十餘日勝亦至上賞勝不能當大
將軍半而不如諭何也俄復為右都督三年以右副

將軍與大將軍破擴廓帖木兒於定西凱還封宋國
公參軍國事食祿三千石賜誥命鐵券四年出鎮陝
西使繕塞五年詔為征虜大將軍與大將軍達左副
將軍文忠出沙漠勝與副將軍傅友德西行取甘及
肅進至六集乃降其守將次別力萬山與元岐王朵
兒只班遇走之追獲其平章長加奴等敗其衆瓜沙
洲獲馬騾牛羊二萬是役也大將軍兵不利左副將
軍所失得相當獨勝以捷聞而有言其匿私索駝賞

不行自是連以將軍印練兵臨清北平繼往大同討
元殘寇散不剌等還鎮陝西復改河南上冊勝女為
周王妃勝妻卒為治喪賜璽書慰藉加餐使歸議葬
葬畢復鎮為周王作宮十三年故元平章乃兒不花
寇遼明年大將軍討之上命勝佩征虜將軍印息
民訓士佐徵發居四年還召勞羊酒是時元遺孽故
將多殄滅歸順獨元木華黎孫納哈出者初為元萬
戶守太平太祖下太平時獲之以元世臣子孫故

待之甚厚，納哈出居常不樂。太祖歸馬，元亡，納哈出不從。虜主胡中擁大眾金山，三分其部落，曰：榆林、曰：養鵝、曰：龍安、一禿河，輜重富盛，蓄牧蕃息，數寇遼左，為邊患。十九年，上命勝、置衛、大寧諸邊，搃控之。其明年春，為征虜大將軍，穎國公友德、永昌侯玉為左右副將軍，率參將南雄侯庸等，乘以步騎二十萬，鄭國公茂、曹國公景隆、中國公鎮子侯等皆從。軍上，故有所獲虜，乃刺吾者，納哈出部將使奉璽書。

而遣之曰是人善戰今送歸爾益爾戰矣勝至過大
雪遣永昌侯乘雪以輕騎掩擊其廢州虜殺其平章
朶來擒其子不蘭奚而自出松亭分築大寧寬河會
州富峪四城遂駐兵大寧城踰兩月留王萬人守之
以全師壓納哈出金山遣人送乃剌吾納哈出所納
哈出驚曰吾謂汝死矣乃得復相見因遣其左丞獻
馬勝軍是時勝已踰金山降其將慶國公觀童於女
直苦屯勝大軍直前逼納哈出一虎河納哈出計無

所出乃刺吾勸納哈出降納哈出猶豫未決復遣使
至勝營陽納款以觀勢勝遂遣永昌侯玉往受之糴
之以大軍納哈出彈指曰天不使我有此衆矣率數
百騎詣玉約降玉款納哈出酒甚懽納哈出曰酌酒
酬玉請納哈出先飲既飲復酌酬玉解衣覆之
曰衣我衣乃飲酒納哈出讓勿衣玉亦勿飲者久之
納哈出取酒澆地顧其下咄語鄭國之茂者勝子
婿也有裨將在茂旁解胡語告茂曰是且脫去茂遽

前搏之納哈出驚起欲就馬茂斫傷納哈出辭不能
騎與都督耿忠擁納哈出見勝納哈出所部妻子將
士在松花河北凡九十餘萬聞之皆潰散其餘衆四
萬餘騎欲來追勝遣觀童往諭書降之并得其各愛
馬所部二十餘萬人羊馬驅駝輜重亘百餘里勝奏
捷京師并言茂驚潰虜狀遂以納哈出來降將率妻
子及其輜重南行使都督濮英將三千騎為殿虜所
驚潰餘衆伏而待大軍過邀擊之英馬蹕見獲乘間

自剖腹死而勝還次迷河更獲遺棄車輛四萬五千馬數千匹。傷痍老弱二萬四千餘。上聞大悅。使使獎諭。所以遙勞。納哈出白玉黃金帶。金若幣。及其部曲冠帶鈔幣甚多。械鄭國公茂京師。而賜勝勅勞之。勝軍中卒有盜胡馬者。裴其首懸隊官之頸以行。然亦自掠虜良馬。使閭行酒納哈出。要求大珠異寶。胡中王子死。強娶其女。上聞復降。勅切責之。鄭國公茂至。具言勝諸不法事。上大怒。收其總兵印。召

之還使永昌侯代之勝送納哈出及所部官屬將校
馬駝輜重至上封納哈出為海西侯其官屬皆與
食祿散處之黔滇閩廣中而升乃剌吾為千戶安置
茂龍州勝罷就第奉朝請而諸將士賞亦不行越二
年使領諸胡兵從穎國公征雲南胡兵中道叛自是
勝雖有任使屯守練士而已其明年賜公侯還鄉予
緡銀造第賚金帛追封其三代又明年肅清逆黨榜
列勲臣五千七人功高望重常總兵者八人勝居第

三又二年加太子少師勝子諒與家奴同謀殺人囑縣官勿舉事覺上諭勝家奴如律特免諒死已使鎮西副其僮僕不得從容衣食勝家勝居恒僮僕倚勝橫攔稅輜重乘載勝獲稻打場瘞甌塲下碾碌磙其上取其有鞢鞞聲出入騎善馬邑有樊父名為瘡國用妻家也勝一日為酒召樊父盛陳其金銀器盤與樊父戲而令瘡之樊父既得難勝曰必千金乃還勝怒走訟太祖勝訟樊父樊父亦訟勝具言其居

家所為若曰場下瘞兵器 太祖予勝酒曰我不問
勝歸遂死諸子皆不得封而獨國用子誠功雲南累
官中軍都督府左都督勝死在洪武二十八年春去
傳友德死之兩月而開邊之猛將盡矣

傳友德其先宿人後徙碭初徙青衣李喜之喜之敗
歸明玉珍玉珍不能用歸漢為別將六忽亡無所展
高帝攻漢江州友德以其下謁 高帝小孤鄱陽之
戰友德身被數創以數百人徙征武昌奪高冠山先

登鎗出腦及脇從徐達取夷陵降漢將以德進克衡
走漢將祖勝從常遇春下襄陽攻安陸被九創吳元
年守徐州元將李貳來寇駐兵陵子村友德堅壁俟
貳出掠舟擊之呂梁之岸手刺貳將乙貳敗去友德
曰必再來趨還城開門陳兵令士皆卧鎗待曰貳即
起果益兵至友德鳴鼓起士生致貳俘建康

高帝悅鼓吹送還第翌日命中書參政李飲冰楊希
聖携音樂伎人一部就第飲冰等醉而裸與伎人

戲 高帝怒皆黜之不責友德也遂拜江淮行省叅
知政事其冬從大將軍達北征中原 高帝以興右
丞顯並稱勇畧冠軍友德從大將軍下青州與元將
也達遇佯敗走也達追之大將軍因得進斬也達軍
洪武元年大將軍克河南友德取福昌山凌青仙人
神頂三寨遂與大將軍入燕取東渡河與薛顯取衛
輝與顧時克臨清德及通進入燕與薛顯偵邏古北
諸口拾元遺卒克龍華寨守蘆溝畧大同獲故元喬

右丞等三十四人遂與常遇春下保定中山狗真定
從大將軍薛顯轉攻山西畧平定州擣太原以死士
五十騎擊却撈廓帖木兒夜劫之追至土門關復興
薛顯賊元將宗哲于石州擊走四大王與常遇春逐
竹貞兵於大同賊元將脫列伯帖宣德府從取陝西
攻張思道於鹿臺下鞏臨洮張良臣降復叛友德自
臨洮會大將軍絕其東道還與大將軍克之復會大
將軍於薛顯追敗王保子於原州六盤山還從大將

軍破保。定西乘勝自秦川南出一百八渡奪峽陽。
擒夏將林入沙。還軍西安。夏將友仁克漢中。友德夜
解木槽關登山。燹燹驚遁。友仁軍復與大將軍偵探
及西北還封潁川侯。洪武三年也。其冬拜征虜前將
軍。副征西將軍和入蜀伐夏。友德率河南陝西步騎
自秦隴以趨成郾。則馳入陝。揚言出金牛。而引兵趨
陳倉。克階及文諭降。青州果陽戰。造艦百餘渡漢。戰
破夏將大亨。漢城下。擊其援將壽。拔其城。進擊古城。

大敗降夏將思忠、進圍成都。身中矢，夏人皆降。狗崇
慶、斬夏知州善清，轉克保寧，執夏將友仁，悉平蜀。得
夏人金印、冠冕、儀仗、銀印五十八、銅印六百四十、路
府七、元帥府八、宣慰宣撫司二十五、州三十七、縣六
十七、官吏將士五萬九百九十人、馬騾萬三千八百
餘匹。天子曰：「平蜀功，傳一廖次旌之。」文子之金征西
將軍，不與當馬。五年，副征西將軍馮勝北征沙漠，以
驍騎五千出金蘭，趨西涼，破元失剌、突兵，敗元朶兒。

只已於永昌與征西將軍及左副將軍德振甘及肅
手射死元平章不花追斬其黨四百餘人降太尉鎖
納兒加等及守將卜顏帖木兒追破元岐王於瓜沙
洲是時師出三道友德獨全勝六年大軍出雁門友
德為前鋒虜聞友德名絕塞遁留鎮北平九年命副
中山侯和備伯顏帖木兒於延安以伏兵大破伯顏帖
木兒縛之以降命巡行川蜀永寧雅播諸州脩治城
郭閬梁降下金筑普定中坪乾溪諸酋長還獻馬五

百。上別賜選騎十五十四年為征虜副將軍與大將軍達討故元平章乃兒不花出塞大破虜北黃河。選輕騎夜靜灰山獲其部落人畜甚衆其秋拜征南將軍與藍玉沐英統兵二十四萬有奇往征雲南既受命疾馳至湖廣遣別將郭英陳桓胡海等帥兵五萬趨烏撒而自與藍玉沐英率大軍趨貴州進攻普定普安皆下之進取曲靖故元梁王把匝剌瓦爾密遣其將達里麻將精兵十餘萬拒戰友德用沐英計

魚道蒙霧潛渡白石江下流出其後而畢濟於上流
之江生擒達里麻曲部請西乃分遣藍玉沐英趨雲
南自率衆數萬循格孤山而南搗烏撒以興鄭英陳
桓胡海會元右丞實卜聞之皆遁去頃復合友德故
止戰以觀士、無不思死友德下令曰我軍深入有
進無退彼遁而合必不一心併力與戰破之必矣聞
者吾故止以觀汝曹汝曹果可用也遂大破實卜軍
拔烏撒城之得七里関以通畢節進克可渡河東川

烏蒙芒部諸蠻皆望風降進至大理宣慰使段明獻
書請如唐宋故事降印頒曆願脩職貢永為藩服友
德怒拷其使曰速來降明再上書曰善聞危如登山
大理險倍投海漢武習戰僅置益州元祖親征祇分
梁王自古平天下易平雲南難且用兵之道講和為
上全師為奇大國既有其兵小國亦有其脩迫乎食
盡畜死將獨兵離為天下笑將軍悔之晚矣友德怒
與沐英斬關入大破之分兵取鶴慶畧麗江破石門

下金齒車里摩步和泥平緬悉降把西刺尾爾密入
山自縊死俘其眷屬及威順王子伯於京師比三百
餘人頃之烏撒諸蠻復叛友德會沐英追擊而使指
揮顧成擊破西堡蠻賊斬烏撒蠻首級三萬餘與沐
英引兵東攻諸蠻之未附者按其潛匿悉殺之又降
酋長靄翠宋欽悉平其地十六年元普顏篤先不華
拔鄧州復叛友德自七里關回軍大理平之攻北勝
麗江前後斬首萬三千餘級十七年凱還制曰稽古

崇庸開疆者賞重。朕臣傅友德從大將軍累戰有功，已封侯爵。乃者領大軍，越崇山，西取巴蜀，又西取雲南，轉戰二年，悉平其地，特進封穎國公。子孫世襲其時，他諸將皆封侯，食祿有差。友德獨用首功，加賜三千石，再賜米五百石，以皇女歸其子忠。十八年，與宋國公勝、傜邕北平十九年，與長興侯炳文再征雲貴，諸蠻二十年，以征虜左副將軍從征虜大將軍馮勝征納哈出降之。統大軍討韃靼官軍之叛於廣西，復

以征南將軍與沐英陳桓討東川諸蠻擊却叛酋阿
資於普安蠻衆緣壁拔崖墜死者不可勝數己即越
州擊敗阿資降之還命與諸將駐軍湖廣諸要地休
士且以壓服諸西南夷之叛服不常者二十三年援
信國公例還御賜黃白金鈔幣甚厚給衛兵百二十
人尋以征虜前將軍率副將軍趙庸曹興王弼孫恪
等赴北平練卒從燕王出古北口擒乃兒不花於迤
都山還駐開平引兵西征寧夏其明年復使練士陝

西是年還朝冊其女為晉王妃友德請懷遠地為田
圃如古買田宅自污上乃不喜曰爾獨不聞公儀
休又二年與宗國公屯戍練士於太原北平已召還
賜第鳳陽不復出塞捕虜矣二十五年兼太子太師
藍玉誅友德以功多內懼定遠侯王弼謂友德上春
秋高行且旦夕盡我輩我輩當令從連衡太祖聞
之會冬宴從者徹饌徹不盡一蔬太祖責友德不
敬且曰召爾二子來友德出衛士有傳太祖語曰

携其首至頃之友德提二子首以入太祖驚曰何
遽爾忍人也友德出匕首袖中曰不過欲吾父子頭
耳遂自刎太祖怒分徙其家屬於遼東雲南地而
王弼亦自盡嘉靖元年巡撫雲南都御史何孟春奏
潁國公友德宣德戾朝興汝南戾思祖皆雲南開疆
之臣請立祠致祭賜額曰報功友德後在遼東者嘉
靖中有都御史龔在雲南者嘉靖中有給事中良弼
石匱書曰郢國不死其岐陽伯仲乎宋國有大將材

積戰功久、而其中不能無欲、又時二見桀驁焉、能免
乎、潁國暗鳴跳盪、與開平王、稱二虎將、廼取巴蜀、定
滇笮、其績茂焉、而不以正斃、則古大將、初立功業、得
以令終者、代有幾人哉、

石匱書卷第七十二

明 蜀人張 岱著

藍玉、胡惟庸列傳

藍玉者定遠人常遇春婦弟也長身頽面數從遇春突圍陷陣所向有功遇春數推於高帝、亦用遇春故寵異之從衆軍鎮撫積功至都督僉事從西平侯討西番擒其酋腰瘳子鹵斬以千計還封永昌侯久之以征南左副將軍同穎川侯討雲南轉戰平之

與西水侯下大理虜其帥段明分兵取鶴慶畧麗江
薄金齒車里平緬地方萬里皆入職方王功最旺師
增祿五百石冊女為蜀王妃再以征虜右副將軍同
宋國公勝征納哈出廣州虜殺其平章朶朶擒其子
不蘭奚獲人馬還入哈納出營降其衆宋國公勝與
常國公茂坐驚潰虜衆召還王專總兵事是為洪武
二十年上曰吾老矣殘胡未滅終為患其年即軍
中拜征虜大將軍與延安侯勝宗武定侯英窮入沙

漢其冬獲元將九百餘人以獻。上察知虜勢不久
存其明年復詔中國公鎮定遠侯弼南雄侯庸東川
侯海鶴慶侯翼雄武侯武懷遠侯興等往從玉師使
魚道覆其巢穴乃已。是春玉謀虜主脫古思帖木兒
在捕魚兒海率勁騎十餘萬自慶州間道襲之遂踰
大磧度黑山師次游魂南道無水泉軍士渴甚過小
山忽聞如礮聲使視之衆四湧士馬滿腹餘流溢決
至百眼井去捕魚兒海尚四十餘里哨不見虜玉欲

引還。定遠侯曰：吾屬提兵十餘萬，深入無所得，虜何以復命？王曰：是也。戒軍中穴地爨，令虜不見烟。黎明至捕魚兒海南，知虜主營在海東北八十餘里。王以尉為前鋒，直薄之。虜始謂我軍乏水草，必不能深入。又大風揚沙，晝晦。軍行皆不知。虜主方欲整而北向，忽大軍至。其太尉蠻子率眾拒戰，敗之，殺蠻子及其軍帥數十人。其眾遂降。虜主脫古思帖木兒與其太子天保奴知院捏怯來丞相失烈門等數十騎遁去。

王率精騎追之出千餘里不及獲其次子地保奴后
妃及故太子妃公主等百十九人擒其詹事院同知
脫目帖木兒於深草間追獲吳王朶兒只等將相官
校三千人男女七萬七千餘口馬四萬七千匹駝四
萬四千八百四頭牛羊十萬二千四百五十四頭車
三千餘輛并得其寶璽圖書金銀印宣勅照會諸物
聚其鎧仗而焚之遣人上表入奏既班師復破降其
太師哈喇章獲將士萬五千八百人馬駝四萬八千

餘匹。上覽表，顧謂侍臣曰：「戎狄久禍中國，今朔漢一清，無北顧憂矣。」羣臣咸頓首稱賀。遂遣通政使茹瑺、前望江主簿宋麟齎勅往勞，曰：「周秦禦胡，上策無聞。漢唐征伐，功多衛李。宋遣遼金之寇，以終其世。神器弄於夷狄，腥膻汙乎九州。朕起平寇，與民更始，已有年矣。胡虜聚衆，復立王庭，意圖不靖。朕常耆年，失今不除，必為後患。命爾等率十餘萬衆北征。去年爾親拘哈納出來降，今復躬擐甲胄，衝冒風露，穿地取

飲禁火潛行越黑山而徑趨追蹄踪而深入直抵穹
廬胡主棄輿遠遁諸王駙馬六宮后妃部落人民悉
皆歸附漢衛唐李何以過之使至勅勞悉朕至懷方
擬封王為梁國公有言王在胡中私元主妃者上
怒王無禮元主妃倖至恐懼自盡其子地保奴有怨
言上因資送之琉球王又遣人入朝伺動靜既還
上切責之竟封涼國錫過於券然賞猶在諸將上二
十三年擊破西番蠻人并討平崑州襍道蠻人之攻

圍大渡河者俘其男女數千賜白金五十兩復克散
毛洞擒土酋刺燕覃大旺等萬餘人施中南建二宣
撫司降復叛王分兵破其大小諸寨殺獲男女蠻酋
千七百八十餘人悉定之復遣鳳翔侯龍討平散毛
撒狗蠻移兵擒覃大勝於施南及其黨男女八百餘
人召還賜鈔千錠增祿米五百石尋詔還鄉賜黃白
金鈔幣甚厚工部具冊送二十四年使防邊甘肅至
蘭州墜馬損右髀勅曰昔渡江諸將為朕股肱獨中

山開平出諸將上二王既逝爾庶幾焉使至言爾中
地墜馬右臂微恙特遣往勞爾善調護以稱朕意其
年追寇初者孫遂征西番罕東之地會建昌故降將
月魯帖木兒叛上欲使討之以玉在甘肅道遠先
使緯權為總兵都督徐司馬為左副使四川都指揮
使瞿能為右副使往征俟玉至則權與司馬皆為副
玉至罕東欲縱兵深入將佐多言西虜負固已久卒
聞大軍深入必鳥獸散莫若遣將招諭宣上威德

令彼以馬來獻。因撫其部落。全師而歸。揚威示恩。在
此舉矣。王不從。遣都督晟等率兵徇阿真川土酋哈
答等皆遁去。又靉初者孫那及既得討月魯帖木兒
之命。又欲深入蕃地。取道松疊以達建昌。會霖雨積
旬。河水泛急。王悉驅將士渡河。麾下知非上意。相
率遁亡。王乃不得已。繇隴右抵建昌。而瞿能等將至
相興州。月魯帖木兒使人詐降。能信之。歛兵以待。則
月魯帖木兒已遁去。已遁至雙狼托落等寨。連戰五

六大破其衆、竟不得月魯帖木兒。王至乃遣百戶毛海計誘之、并致其子眸伯、遂降其衆、送京師伏誅。王目奏四川控扼西番、蠻夷梗化、繇其山險地曠、倘禦寡疎、宜增軍屯衛軍士、籍民為軍、守之又請移兵討長河西朵甘百夷。上報設諸衛、毋籍兵、兵因邊民兵久在外、毋重勞之。朵甘百夷之行非四十萬衆、不可爾其還師。蓋上自用兵以來、無不慎重、又徐常之將也、唯上所命之、未有請移師他攻者。王征西番罕

東已非上意更無所得虜復請移兵攻朶甘宜

上之難之也上不學狠愎在軍中擅升拔將校黔刺

軍士家畜莊奴假子數百人出入乘勢漁獵常占東

昌民田民訟之御史御史按問玉搆逐之其先征北

還時駝馬金珠無算夜度喜峰關吏不即納玉毀

關入上聞不悅及切責其私元妃事謾不省侍坐

侍宴動止輕傲至是還以為太傅玉攘袂後言曰吾

故當為太師王時奏事上不之從退曰上疑我矣

將收集其舊部將及士卒家奴伏甲為變為錦衣指
揮蔣瓛所告鶴慶侯翼普定侯桓景川侯震船艚侯
壽會寧侯溫潘陽侯察罕東莞伯榮都輅吏部尚書
徽侍郎友文凡諸功臣文武大吏以至偏裨將卒坐
堂謀誅者可二萬人知名之士若南海孫黃長洲王
行皆在誅中

胡惟庸亦定遠人為入雄爽有大畧而陰刻險鷙眾
多畏之起家寧國令時太師李善長秉政惟庸饋遺

善長黃金二百兩遂得召入為太常少卿累遷中書
叅政高帝既誅楊憲悔之羣臣亡當意者惟庸舉
止便辟隨帝所問能強託對少所遺帝遂大
愛幸之擢中書右丞相惟庸小人驟得志大內貨賂
酬報睚眦諸徹侯失職亡命多依惟庸左右而誠意
伯劉基在上前論相短惟庸、恨之入骨會基引
疾還青田民私即海煮鹽因取便刼掠基條請就其
地立巡檢司控制之奏上不聞中書惟庸大恚怒

諧於帝言基視民家山有天子氣奪之不得乃為此耳欲以聳動帝而陰中其笑帝不懌基皇恐馳謝自明留闕下久之屬疾帝遣丞相扶醫視遂進毒逾歲基不起右丞相汪廣洋懦從旁得其狀不能發而惟庸益橫甚無復知所忌會其家人為奸利事道閔榜辱閔吏奏之帝大怒殺家人切責丞相惟庸謝不知乃已又以中書違慢數語問所繇惟庸懼乃計曰主人魚肉勲舊臣何有哉耶死等耳寧

先發母為人來死寐

高帝究故誠意伯死狀惟

庸懼且見發而日本來貢使私見惟庸乃為約其王

令舟載精兵千人偽為貢者及期會府中力掩執

帝度可取之不可則掠庫物泛舸就日本有成約

惟庸因詭言第中井出醴泉邀

帝臨幸

帝許之

駕出西華門內史雲奇走告變

帝乃登城望其第

藏兵複壁間刀槊林立即發羽林掩捕考掠具狀磔

於市夷三族而盡誅其僚屬黨與者凡萬五千人誣

固株夢甚衆、今國惟庸死時狀、戒天下、因勅子孫朝、不許設立丞相、著為令、

石隱書曰、藍玉之跋扈、錙其過於鐵券、在封爵時、已知其鞅、非少主臣矣、乃若胡惟庸者、劉文成早言之、徐中山再言之、而英明如太祖、詎不之悟、非雲奇衝蹕、雖辟人、柏人亦不遑計及之矣、唐德宗曰、人言盧杞奸邪、朕殊不覺、李卿侯對曰、人言杞奸邪、而陛下獨不覺、此杞所以為奸邪也、倘陛下覺之、豈有

建中之亂哉

又曰藍胡之逆誅之可即族之亦無不可獨以其株連募引累及三萬五千餘人而榜刑重臣至五十七人功高望重嘗總兵者八人言之不可駭可愕哉太祖生平稍有疑忌輒以其黨之之沒且漸滅殆盡亦所謂功臣多封之不足故殺之也厥後狗烹弓蹶而靖難兵起卒無一人為攔門之犬嗟乎使燕王出自外難則奈之何哉

石匱書卷第七十三

明蜀人張岱著

遜國諸臣列傳

志曰變古亂常不死則亡誠哉是言也建文名即神聖無過高皇帝其臣雖賢無過宋濂劉基陶安諸長者高皇帝立法貽謀垂之萬世風興夜寐恒如不及使諸臣博稽典故而斷之獨思凡治世立教之道蓋大備而鑒之前古為子孫者遵行其所立維持其所

廢雖有辟王可賴前哲建文君惘然 皇祖之典型
馳騁三代周官之治固已達矣且所以變政易令者
徒區區名歸位分之間未嘗深求古先聖王精意之
所存君子之道施絲親始周人大封諸姬宗盟後異
姓建文君隆思廣大寬通之理將使天下無一物不
得其所也而即位半載周齊湘代岷死徙因迫豈不
曰晉王廢周王遷潭王秩 高帝為之矣父可得諸
其子者兄之子亦可得諸其叔父乎主人之居室也

無以取侮市道之人突然闢其家可閉門而鞭笞之
童子持杯羹自喜柯然恐其傍人有欲之：色不奪
之而戲之矣天下之事大之足以制勝畏之益以召
敵以釁與人使得為詞者乃有國之深弊惜乎齊黃
諸臣過謀之召過聽之矣今夫能以祭器祀其先人
者一有子孫不享其昨飲其福酒主人必以為耻曰
未廣其先人況夫富四海有天下哉鄙人何知天佑
命者為有德其闔宮自焚子弟不得終先人血食斬

焉非不幸矣然而乘人之敝車者不以析輹不救登
人之壞舟者不以過溺不拯以諸君子之材上者通
經學古次亦明韜習匱可以效攻戰令不徇溝瀆之
諒皆足附鳳攀龍垂名後世而前幾既酷後烈方道
且欲以九牛之毛維天地而參三光若此者亦足見
高皇帝餘教之未棄而建文君尊賢敬士求仁義者
之報矣人有兩妻人誂其長者長者詈之誂其少者
少者許之居無幾何有兩妻者死人則取其長者故

夫陳植以過害得堊李貴以不諫受詰孝已愛其親天下皆欲以為子：胥忠其君天下皆欲以為臣夫諸君子者亦文皇帝所欲得以為臣者也

齊泰黃子澄

兵部尚書齊泰者初名德溧水人太常寺卿黃子澄者名浚以字行分宜人也洪武末年雷震謹身殿

上禱於郊擇九年亡過者從泰以禮部主事與而子澄以進士及第選東宮伴讀上並重此兩人久之

泰孫兵部郎中進為侍郎而于澄為太常寺少卿

上籌邊問邊將泰盡能舉其名邊方要害幾所中兵
幾何泰出簡袖中甚悉上奇之以為兵部尚書及
大漸受顧命輔皇太孫太孫即位為讓皇帝以泰顧
命于澄舊學信之使參機務凡止諸王母會葬

高帝王屬三護衛不得節制他文武吏有罪國輒除
其說皆自泰于澄發之周齊相代岷相繼煽動泰與
于澄請徙周代二王於邊降齊岷為庶人責討湘王

王懼焚死 成祖時在燕邸威形出五王上齊湘之
辭連燕王 而削讓泰與子澄日夜謀剪燕矣燕王
見五王者不得自全又聞密詔且見收乃以 高皇
帝訓起兵檄天下索誅奸臣於 坐泰子澄為首

讓帝使耿炳文李景隆等先後出兵皆泰子澄居中
調度景隆數敗燕兵日振 讓帝則陽遂泰子澄謝
燕陰使居中如故燕固疑之不罷兵已而盛庸捷東
昌 讓帝喜召還之已燕兵急則入竄遂藉其家謝

燕：謂帝終不明誅太子澄益治兵如故居亡何燕
渡淮太子澄捧詔四出募兵而燕王已即位為皇帝
下令有擒奸臣者爵三級為從者二級首擒叛逆者
爵二級為從者一級所懸捕者凡二十九人兵部尚
書齊泰太常寺卿黃子澄禮部尚書陳迪文學博士
方孝孺副都御史練子寧禮部侍郎黃觀大理寺少
卿胡閏寺丞鄒瑾工部尚書鄭賜侍郎黃福戶部尚
書王純侍郎郭任盧迥刑部尚書侯泰暴昭吏部尚

書張統侍郎茅大方給事中陳繼之御史董鏞曾鳳
韶王庶高翔魏晃謝昇前御史尹昌隆宗人府經歷
宋徵卓敬隋撰王林英戶部主事巨敬于澄至蘓約
其知府姚善勤王聞都城破乃謀入番求兵道見獲
而齊泰募兵廣德辱其白馬欲更出他卻馬步卒汗
亦為八所得上皆族誅之藉其妻女姊媳教坊群
亂以教坊子弟僅泰一十六歲得給配于澄一子變
姓名為田經以免其後二十九者王鍾鄭賜黃福戶

昌隆張純服罪見宥餘皆誅又其後增奸臣名合前
五十人而徐輝祖周是脩姚善鐵鉉等為首仁宗
即位曰方孝孺諸臣忠臣也其孺屬發教坊工匠軍
伍為奴功臣家今有存者悉赦歸給還其田土泰子
歸其一女在教坊時詔舞陳陰畜以姝子至是嫁
良家而田經亦復其故姓

石匱書曰先民有言毋為權首洵哉漢史以之咎晁
錯矣泰子澄乃復蹈前轍何咎乎渾之逆文帝優之

尚寢數十年之間矧無故而發大難之端者豈燃箕
激之使變此其罪可自逭哉雖然為泰子澄謀見國
事如此自到闕下以謝過燕王之為周公與不為周
公必有以自處而何得藉誅二臣以為口實也哉

方孝孺 附諸弟子

方孝孺寧海人少年力學人皆呼為小韓子從宋景
濂游持身孤潔常卧病絕糧家人以告咲曰古人三
旬九食餼無儲粟窮豈獨我哉洪武十五年以吳沈

捐樞薦召見 太祖喜其舉動端整謂皇孫曰此莊
士當老其才以輔汝遣還鄉會仇家得罪詞連孝孺
械送關下 太祖識其名特開釋之奉祖母還二十
五年又薦召至 太祖曰今非用孝孺時稍擢漢中
府學教授蜀獻王聞其賢聘為世子師召其讀書之
廬曰正學讓帝改官制翰林增文學博士一人以通
經博古者充之孝孺自侍講學士任其官為特選一
時詔命猷儀無不倚孝孺讓帝好讀書每有疑輒召

使講解臨朝奏事臣僚面議可否必命孝孺就宸前
批荅靖難兵下姚廣孝謂 文皇帝曰殿下至建康
幸金方孝孺殺此人則天下讀書種子絕矣 文皇
至金川門建文讓去即召用孝孺不肯屈偏之棄經
號慟闔下繫獄一日遣人諭再三終不從又召孝孺
草詔使出之孝孺持服見拊膺擗足 文皇降榻勞
曰先生毋自苦予初心欲輔成王如周公耳孝孺曰
成王安在 文皇曰彼自焚孝孺曰何不立成王之

子文皇曰國賴長君孝孺曰何不立成王之弟 文

皇曰先生休矣朕家事耳超為我草詔孝孺大書

云：擲其筆曰死即死詔不可草 文皇曰即死甚

善吾固能族人孝孺曰族至三杰矣 文皇曰吾能

四遂命裂其口至兩耳復錮之獄大收其朋友門生

每收一人輒示孝孺孝孺益不顧乃盡殺之然後出

磔之市臨刑為絕命詞曰天降亂離兮孰知其繇奸

臣得計兮謀國用猶忠臣發憤兮血淚交流以此殉

君兮抑又何求嗚呼哀哉兮庶不我尤凡刑七日乃
絕宗族親戚朋友為孝孺死者八百七十三人謫戍
絕微者不可勝計弟孝友就戮孝孺見之墮淚孝友
口占曰阿兄何必淚潛：取義成仁在此間華表柱
頭千載後忠魂依舊到家山人稱之真孝孺弟二女
未及笄被收過淮連袂投水死之西楊為作方氏二
小烈女傳

石匱書曰謀人之軍師敗則死之謀人之邦邑危則

亡之方正學以周官法度顛覆典型危及社稷一死
固其分乎但 文皇帝以萬乘之尊挾不世之怒刀
鋸鼎鑊有不能盡快其意者萬死匪難十族匪慘嗚
呼烈哉

魏澤深水人以進士謫寧海縣典史詔族孝孺澤藏
其幼子於署台人余學夔知之變名徻狂乞食於市
一日近典史於城隅作狂歌有頗效程嬰語澤心知
其異叱之去兩日又過於途歌如前澤亟致先生文

稿及德宗盡屬之德宗時九歲學夔携之匿海島中踰
年乃循海濱歷華亭青村諸鎮隨一僮善結網兩人
亦學結網上海進士俞允方門人也家居不仕學夔
携德宗訪之三叩得見允大驚喜收育為子遂冒俞
姓學夔赴海去不知所往德宗後有為南昌司訓者
鄉人葉琰為置田宅要之歸台奉祀

劉政長洲人建文元年舉應天鄉試第一考官方孝
孺以托孤寄命：題得政卷曰此他日臨大節而不

可奪者請難師起感情成疾草平燕菜將獻之卧疾
不得行及聞孝孺被戮頓足榻前嘔血而死

廖鏞廖銘以祖永忠功官至都督 文皇以鏞銘嘗

受業方孝孺命往說之孝孺曰汝讀幾年書還不識

箇是字復命 文皇怒孝孺磔之鏞銘拾遺骸塋聚

寶門外隨亦見收鏞銘逝去永樂元年四月錦衣衛

奏獲鏞銘送刑部論死

劉端王高俱南昌人同舉建文二年進士端為大理

寺丞高為刑部郎中孝孺死二人棄官逃被獲

文皇召見問方孝孺何等入端曰忠臣也 文皇曰

汝逃忠乎端曰存此以圖報耳命與王高俱剗其鼻

文皇曰可恨這面孔可是人端曰我二人倒有面孔

即死可見皇祖 文皇立擗殺之戍其家

石匱書曰下宮有客晉無客晉人以之識趙盾謂盾

之不能死其主夷臯也方正學身死忠而客死義夫

復何愧哉磁石引鉄固其理也

鐵鉉景清梅殷

鐵鉉鄆州人或曰色目人以國子生擢禮科給事中
調五軍斷事奏對詳明高帝愛之字之曰昂石鉉
有才辯藩府有巨獄法司不能判使鉉主判之高
帝喜凡疑獄具屬鉉後出山東叅政建文二年給儲
弔院佐李景隆軍德州景隆敗鉉遇叅贊高巍於臨
邑相待哭與徐凱盛庸定計迎景隆濟南城景隆復
與燕戰敗城下還奔入城燕王圍烏不得下堰水灌

之濟南困鉉乃詐為降而約其壯士伏闔壓燕王以
錢鍵：幾得燕王語在讓帝本紀燕攻城壞數版鉉
則夜幕藍帛裏以葦席畫白如縫若城成而潛版築
於幕內又急則奉轎高皇帝像於樓櫓之間燕矢石
皆不敢偏竟捨去是時鉉蓋拒圍三月客說鉉曰北
兵且南燕所守北平者皆老弱守將郭資書生耳永
平保之名雖降燕其旁郡縣旋破旋堅守無歸心者
燕趙慨多豪傑公引奇兵徑趨真定收合潰將且

構北平燕王必止還顧公傳檄徐沛間而自館穀北
平休士待其歸與撓戰常山勢也鉉以士卒久圍已
固南將多驚不足與吳若固守濟南幸北兵北兵不
能越淮必還道濟南而吾邀擊之耳乃大會其賓客
幕僚犒勞疾苦賦詩慷慨賓僚聞歌亡不作氣者亡
何與盛庸出師東昌戰大捷讓帝褒予金幣封其三
世陞山東右布政使尋進兵部尚書佐歷城侯盛庸
軍壬午與丘福大敗燕宿小河燕師震動燕王入帝

鉉尚擁其殘兵入擒之反接以見挺然堦立使僂顧
焉截且剝終不得其顙乃裂而舁之諄詒至死不變
父仲名母薛氏皆八十餘安置海南幼子福安戍沂
池康安工匠鞍轡局女四歲與其妻同送教坊或曰
鉉女二同入教坊皆不辱也既長能詩獻詩鉉同官
同官以聞 文皇釋之得歸於良士

石匱書曰天崩地裂鐵鉉以牙然一身思與天抗人
且嘆其非狂則誕也雖然其工氏頭觸不周山天柱

幾折者屢矣至其身糜鉄鎖剗割無完膚求其顧而終不可得不磷哉鉄也干將莫邪摧折萬段拾其片屑猶足殺人不知然哉不知然哉又曰壬午之難有功而無媿色者一人焉曰鐵司馬鉉也已已之難有功而無媿色者一人焉曰于司馬謙也其人才同也忠同也酷禍同也

景清本姓耿真寧人個儻有大節讀書不再日少遊國學同舍生有秘書清固求之許假一夕旦則返之

及旦同舍生索書清洋驚非是同舍生怒白祭酒祭
酒莫能辨謂二生舉其詞者為其書清背誦如流而
同舍生無以對祭酒曰固是清書携出乃還之曰見
君太秘與君顙耳洪武二十七年擢進士第二人授
翰林院編脩改監察御史久之署左僉都御史訛其
奏對而更之朝坐下獄旋赦建文初置北平叅議燕
王與說悅之及即位詣上自歸上喜曰吾故人也
仍其官清坦伏銛刀以朝先一日者太史奏文曲星

犯帝座甚急其色赤旦清衣緋入上疑之有頃默然而前左右收之得其銘刀清知事不成躍而詢上大怒曰毋謂我王即王敢爾耶清曰今日之號尚稱王哉命扶其齒立且詢則含血前淦御衣上益怒刺其膚刷之以錐帚以爲墮膚械繫長安門上寢夢清環殿追刼之旦日輦過長安門清膚前者三如欲犯駕狀上曰尚欲刼我耶赤其族掘夷其先冢籍其里轉相板染至數千百家命之曰瓜蔓抄

石匱書曰景中丞其欲為豫讓也耶仰天而唾：不
及天還從已陷土縻爛固其分乎但以亡國一孤臣深
入殿廷五步之內猶能以血噴御衣石壓筓斜出其
所以用其憤烈者亦已甚矣乃身為靴鞢猶鼓氣以
前其英靈真可畏也哉

梅敷妻邑人汝南侯思祖從子尚 太祖寧國長公
主為駙馬都尉初敷之祖以水卒從太祖軍中吳人
名水卒為稍鄱陽之戰矢幾及 太祖梅稍偃 太

祖坐得避之矣從太祖過此即位不及賞老失明
無為上言他日候太祖郊使殿掖之路隅呼屬
車下曰皇帝皇帝忘梅梢耶上視之大驚曰果忘
公矣即召厚賜之使殿尚公主殿恭謹善騎射精通
經史見信愛洪武十九年陝督山東學政臨崩受遺
詔顧太孫曰善視之太孫即位殿常侍左右靖難兵
日進令穀統軍淮上燕王必欲道淮使致殿書殿不
從燕王怒使責之殿剖使者鼻耳授之詞曰留爾舌

與燕王言召父思義不可忘燕王竟不得道淮安自
泗破盱眙出六合至京師既即位殷尚軍於淮公主
嚙指血為書招殷歸殷得書慟哭詢建文帝曰尚在
乃還京入見文文皇曰都尉勞矣對曰勞而無功徒
自患耳永樂二年冬左都御史陳瑛劾奏殷蓄亡命
私匿韃靼人瓦剌輝與女秀才劉氏造邪謀幾得罪
明年冬早朝殷仇家都督譚深指揮趙曦令人擗殷
筵橋下以爲公主牽帝衣泣帝曰當爲公主誅賊

已罪深曦深曦曰上命也上大怒曳斬之謚殷榮
之卒官其子而曰朕不念爾母誅矣靖難之起也寧
國公主蓋嘗貽書文皇而阻兵殷死瓦剌輝請於
上割深曦手足剖其腸持祭殷遂縊死殷旁

石園書曰梅殷之於文皇等戚也為酒館甥等貴也
乃獨戀故主冰顏湯鑊而不肯少貶其節使殷而
在肯須臾忘耶耶豈橋之死直意中事耳何惟哉

卓敬韓郁高魏楊本智謀

卓敬瑞安人少讀書山中嘗夜歸驟風而失遇虎
謂兇牛馮之比至門虎也洪武中以進士除戶科給
事中好直諫嘗乘間為太祖言諸王服乘踰制宜
裁損太祖笑內之歷戶部侍郎建文初燕王來朝
敬密奏曰燕王智慮絕人酷似高帝北平強幹之地
金元所繇興也宜及今徙封南昌羽翼既剪變無由
生萬一有之亦易控制夫萌而未動者幾也量時而
為者勢也勢非至剛莫能斷幾非至明莫能察建文

帝大驚寘其奏袖中曰燕骨肉王室何得為此言對
曰揚廣隋文非父子邪敬丰姿英偉談論峭拔讀書
十行俱下過目不忘博通天文地理律曆兵刑諸家
文皇亦知其名既入使召之曰前日謀從燕者非爾
耶敬曰然故帝誠以臣謀從王、故王爾 帝終憐
其才繫之獄使諷之終不聽姚廣孝曰昔者夫差不
殺范蠡、卒滅吳吳王衍不殺石勒、終以衍敬誠
見用 上有今日言乃斬之夷其三族臨刑從容歎

曰敬備員大臣變起宗親無片籌半畫負故主地下
敬罪浮於死既死屍經日如生文皇歎曰國家養士
三十年惟得一卓敬厥後編脩劉球私謚之曰忠貞
韓郁未詳其籍建文初為監察御史靖難兵起郁上
言曰諸王親則太祖遺體貴則孝康皇帝手足尊
則陛下叔父使二帝在天之靈子孫為天子而弟與
子連殘戮其心安乎此皆監儒漏見病藩封太重疑
慮太深故至此夫唇亡齒寒人自危周王既廢湘

王自焚代府被逮而齊臣又告王反矣為燕計者必
曰兵不舉則禍必如是朝廷執政激之使然燕舉兵
兩月矣前後調兵不下五十餘萬而一矢亡獲謂之
國有謀臣可乎經營已久軍興輒乏徒使中原無辜
赤子困於轉輸九重之憂方深而出入帷幄與國事
者方且洋洋自得彼其勸陛下必削藩國者果何心
哉諺曰親者割之不斷疎者續之不堅陛下不察
不待十年悔無及矣幸少垂洞鑒釋代王之囚封湘

王之墓還周王於京師迎楚蜀為周公俾其各命世子持書勸燕罷兵守藩宗社幸甚不聽郁不知所終高魏或曰字不危遼州人個儻尚志節事母至孝母亡廬墓蔬食者三年洪武中貢太學試前軍督府左斷事數陳論得失高帝嘉納之後坐事當謫戍高帝特許其弟宣代曰以旌孝子建文初應辟䟽論時政師賈誼衆建主父偃推恩之法而後晁錯削奪之議建文帝竒之燕王起兵上書請按軍無伐自奉詔

說燕建文帝使叅贊李景隆軍魏曰是可說而罷也
則自治裝馳詣之北軍而上書自稱國朝處士臣魏
再拜上書燕國大王其畧曰魏聞世之所謂大丈夫
者以其為國家排難解紛上足安社稷下足安黎庶
而無一毫微利干譽之心焉爾魏雖無丈夫之才而
有丈夫之志慕魯仲連之為人喜與人排難解紛附
名世而不朽也頃我太祖上賓今天布維新之令
下養老之詔天下莫不感悅不意大王與朝廷有隙

張皇三軍抗禦六師不知其出何名今在朝諸臣執
言仗義以順討逆殆無不勝之理魏不忍兵連禍稔
挺身關說以為逞纖芥之積忿而覆百萬之生靈豈
仁智之為哉魏有一策解隙以和使帝者復帝王者
復王君臣之義大明骨肉之恩愈厚魏所以置死度
外來見大王欲盡一言求頸血汚地者蓋夙許太
祖以殞首結草之報豈他有求哉昔周公遭流言居
東土以俟成王之悟大王誠解護衛休甲兵釋骨肉

猜忌之疑塞譏賊離間之口不與周公比隆哉慮不
及此使仁事者得藉口以為殿下效漢吳王倡七
國以誅並錯為名家必自毀然後人毀之萬一有失
大王獲罪先帝矣今大王據北平取密雲下永平襲
雄縣掩真定雖易若建轡但自興兵以來經今數月
尚不能出函：一隅之地較以天下十五而未有一
為大王將士殆亦疲矣況朝廷以天下無限之師大
王以一國有限之衆應之大王同心之士大約不過

三十萬大王與今天子義則君臣親則骨肉尚生離
間之疑況三十萬異姓可保終身死於殿下乎若大
王信魏言上表謝罪按甲休兵朝廷寬宥再脩親好
天意順人心和太祖在天之靈亦安矣不然執迷
不回徵倖悖事其與秦伯夷齊求仁讓國之義不大
從庭乎幸而事成禹世公論以為何如倘有跌蹉於
斯時也追復懷款之愚其可得與願大王熟思而審
處焉書上不報乃歸景隆兵敗與鐵鉉南行道臨邑

慟哭相誓遂趨濟南收募亡兵而與鐵鉉共守之士
千雉經於驛舍

楊本中牟人或曰處人精遁法建文元年募才畧士
本以太學生應募授錦衣衛鎮撫建文帝使弟吳
王為撫軍本試其水道以勸吳王既列軍階下請吳
王登臺觀之忽水至平階下之軍皆失所在王奇
之還白建文使從軍常自搥鉄棒鼓之陣中所向披
靡李景隆始其功不與上白溝之戰請為陣前景

隆陽許之而陰尼諸將不繼竟無功本乃䟽勅耿炳
文李景隆不足將請自將以行卒不用赴燕軍死戰
燕人擒焉王使繫北平後燕王攻濟南失利趙王高
燧奔還北平恐人心搖動則殺本燕王歸北平太息
曰吾直困之耳奈何不為我儲良將而大怒趙王
石匱書曰人臣報主苟利社稷則死生以之如無救
於敗亡而徒斬鼠首以殉則何益也韓卓之燭幾於
先高楊之救敗於後四君子者蓋錄此其選已使天

祚遜國稍用其一策焉則鼎之輕重未可問也

練子寧曾鳳韶魏冕鄒瑾陳繼之諱臣

練子寧名安以字行臨江新金人少英敏不凡從其鄉竹庄先生遊常賦水竹村居詩有千村暮雨石泉通一夜春雷長釋龍之句稍長與金幼孜相友善謂之曰異日子必為良臣我當為忠臣洪武十八年擢進士第二人授翰林院編脩歷官吏部左侍郎進賢退不肖多所建白尋遷左副都御史靖難師起李景

隆出師亡功召還于寧從朝班中執景隆數其觀望
請誅之不聽于寧憤激叩首臣備員執法不能為

陛下除賣國奸臣有餘罪即陛下赦景隆必毋赦

臣因大哭請死建文帝為之罷朝燕王既渡淮靖

江王府長史蕭川道衡府紀善周是脩上書指斥當

事誤國下羣臣議當事者盛氣詬兩人于寧大言曰

國事至此吾與公輩罪不可追尚不容言者乎詬者

愧而止文皇即立練于寧至語倨彊不止使斷其

吉子寧探吉益大書殿甄不遜益入於甄有隱之色
遂舉族其家姻黨被誅者以數十人戍塞者三百
七十一人越數年吉水錢習禮以練氏姻族未及逮
既官中朝恒為鄉人所持以告學士楊崇：乘間以
聞 文皇曰使子寧尚在朕固當用之況習禮耶即
日下令禁止遺文一秩曰金川玉屑集正德中提學
副使李夢陽梓之立金川書院祀其父子名其堂曰
浩然嘉靖元年以流賊亂議割淦三州為峽江縣峽

淦人爭祀子寧至貽書相詢臨江太守乃使二縣並
置子寧和子寧有後在長樂天順中叙忠臣之裔官
其孫：夢子寧來語汝勿做他家官亡何其孫死

曾鳳韶廬陵人洪武末以進士為監察御史燕王入
覲繇輦道入不拜鳳韶侍班言殿下宜盡君臣之禮
宮中乃叙叔侄之倫繇皇道不拜大不敬 建文帝
曰至親勿問靖難兵起朝廷欲遣使：燕亡往者鳳
韶請行至燕：軍不內用風箏致詔不報返 建文

出亡鳳韶請逆帝曰多人不能無失麾使散鳳韶及
張統泣曰頃即以死報陛下 文皇即位後鳳韶方
在家召復為御史不赴加侍郎又不赴乃為憤詞刺
血書襟曰予生廬陵忠節之鄉素負立朝骨鯁之腸
讀書而登進士第仕宦而至繡衣郎既一死之得所
可以含笑於地下而不媿吾文天祥曰屬其妻李氏
予公望曰殮我必以襟毋易也遂自剄年二十七李
氏亦自縊死

鄒瑾永豐人為大理寺丞甥魏冕亦永豐人為監察御史瑾議論磊落而冕勁直有聲靖難兵至城下都督徐增壽私謀開門應燕瑾冕與同官十八人梓增壽於班廷敵之大呼詣速加誅臣等義不與此賊同生曾鳳韶史仲彬廖平胡閏復前力請建文帝下殿遂手刃之明日宮中大起或謂冕宜急迎附冕厲聲曰使吾二人改其臣操以事明君必所不庸不如死也與瑾皆自殺陳瑛請追罪詔夷其族凡男婦四

百四十八人

陳繼之福建莆田人 建父初以進士為戶科給事中靖難兵起多建白抗禦及偏都城繼之言於朝曰徐增壽燕之至親必有陰謀宜先事誅之不聽已而增壽果開門降 文皇即位詔捕繼之責問不屈誅父母發克軍道死妻子配象奴

石匱書曰先民有言曰平居無犯顏敢諫之士則臨難無仗節死義之臣豈不信然哉練魯輩五君子者

面折廷諍竟效納肝之節守死善道非斯人其誰乎

程濟葉希賢楊應龍牛景先史仲彬從亡

程濟陝西朝邑人以明經為岳池教諭岳池在四川
去朝邑數千里濟寢食在朝邑而治岳池學事不廢
人咸異之建文初熒惑守心濟上言明年某月日
兵當從西北方起帝曰安得此不祥語將殺之濟
呼曰臣言祥也陛下祥臣祥矣不祥臣不祥矣夫
明年易族耳不信請曰臣而觀之許之明年燕果起

兵 帝出濟獄中以為翰林院編脩使充軍師護軍
小河之戰南軍大捷諸將樹碑露功誇列姓名濟固
辭不得則夜自襍碑下及靈璧之戰南軍大敗都督
陳輝等被執者百八十七人 成祖過軍碑下太怒
命左右椎碑甫一椎遽使止曰錄其姓名來乃如碑
按治輝等諸將濟名正椎落處得免初御史高翔者
與濟同邑相善也濟好術數而翔矜厲名節數勸止
濟曰小道耳願公無為濟曰吾所好者可以預知吉

疵瑕其大可以占國護君次亦可以居身備世公
何小之乎翔曰不然翔聞君子之道自盡而已矣予
盡孝臣盡忠蒞官盡庶職陣盡勇翔不能預知也而
自有翔知及金川門破拉濟同死濟曰濟固有濟知
矣翔竟不屈死濟自髡從建文亡屢免之於阬其後
建文帝出滇濟嘗從行已莫知其所終所著有從亡
隨筆行於世

葉希賢浙東人以舉人為監察御史建文中屢言

兵事又嘗劾耿炳文李景隆失律請傳首江淮以鼓
將士金川門失守臣請出走少監王鉞進太祖所遺
硃篋碎之得度牒三應文應賢應能程濟為帝祝
髮吳王教授楊應能曰應能臣也帝賢曰臣名賢為
應賢皆祝髮從帝出鬼門跋涉滇蜀間二十餘年
而能賢相繼死葬雲南浪穹菴左

牛景先沅人初為御史改鎮撫禦靖難兵累有功金
川門失守帝出走道鬼門高鑰已久景先為前導

以鐵棒啓之應手而落出鬼門至神樂觀與 帝分散約有膂力足捍衛者六人遙為應援景先其一也夜走丹陽道中遇一僧曰徐行吉速行吉遂改名徐行後見 帝於廖平家西山平以 帝托景先而遁及 帝南行景先獨止西山二載已又從 帝於吳越死杭州寺中初景先亡命有司逮治其家屬次妻劉氏焚教坊司

史仲彬名彬以字行吳之黃溪人以明經應詔執貧

縱官吏廷見 太祖條具若干言俱付法司論死授
戶部主事驛舟俾歸建文改元詔起山林才德之士
有司上其名詔禮請赴闕授翰林院侍書時更定官
制彬上疏力諫以安靜法祖為言 帝領之靖難兵
起御史尹昌隆勸 帝讓位守藩廷臣愕然彬大言
曰天下乃 太祖之天下非主上所得私授者一人
逆命遂舉而授之尤而效之又何已焉選將募兵令
日急務臣竊見魏國公徐輝祖忠義性植智勇絕人

以當一面燕可平也昌隆狂言惑衆請速加誅帝
曰八臣之義當以史彬為正昌隆素有敢言之氣其
勿罪二年䟽均浙江賦役從之三年副工部尚書嚴
震直督餉山東事竣歸請帝急加贈卹陣亡將士
更奏機密數事帝戒勿泄遂以省親歸四年北兵
日逼詔天下勤王仲彬單騎入京燕兵薄金川門徐
增壽謀獻門魏冕廷歐之彬亟請加誅帝手刃之
復請誅李景隆詔召不及帝出走彬從亡帝几

三幸彬家為製衣履往雲南彬亦四至滇楚候起居
語具致身錄中宣德二年為仇家所訟下彬獄瀕死
呼于晟屬曰我死矣即不望若遠行來時得謹視衣
食我目瞑矣致身錄十八條存之以志一生之槩然
勿輕以示人彬竟庾死致身錄萬曆間始出

石匱書曰人臣至社稷與覆萬不可為之時乃能矢
志從亡左右君父周流三十七年而卒脫虎口其為
力也亦不易矣與夫無救於國無救於君復無救於

身而徒以死殉者其相去不甚遠哉此余叙死義而先從亡意也

廖平蔡運王賓劉仲金焦趙天泰鄭洽程亨徐

貞從亡

廖平襄陽人建文時為兵部侍郎城陷之日携太子出奔至家以妹妻太子全家逃漢中而身自流於會稽賣薪以給食已復遇帝於耶溪目號曰耶溪樵嘗畫詩沙上隨自亂其沙有人自後抱持之乃詩云

夢入駕班覲紫宸覺來依舊泣孤臣半生家國惟餘
我萬里江山已屬人無地可容王蠋死有薇堪濟伯
夷貧伶仃苟活緣何事洛邑曾留古逸民竟成會稽
山中

蔡運南康人以貢起家歷官四川叅政廉直勁正不
諧於俗罷歸起知賓州有惠政壬午六月與聞出亡
祝髮隱會稽雲門寺曰稱稽山主人每令童子携茗
椀筆牀泛舟而遊賦滿袖歸則焚之

王資河南杞縣人以指揮從偏將軍附守淮北有臂
力善騎射靈壁之役率步卒護軍餉諸將敗資被執
遁還又從徐安防禦鳳陽奏事京師與出亡之約易
服為道人隱金華玉華山疑即玉華山樵別見隱遯
傳

劉仲杞縣人官鎮撫靖難師入出亡為道人甲申同
諸臣侍 帝游天台遂留寺中以老疾死

金焦貴池人 建文初為御史燕兵起尹昌隆請讓

位守藩焦勅昌隆無人臣禮尋陞刑部右侍郎又論
李景隆懷二心不可任壬午六月焦勅與同出亡甲
申重九同諸亡臣會帝於天台戊子冬候帝於
雲南白龍山節舍明年從帝於蜀因留蜀後與王
資往河南死於祥符

趙天泰三原人建文初以明經為翰林院編脩出亡
之日天泰與焉時衣褐因自稱褐衣翁又號天肖子
老死於蜀

鄭洽浦江人爲翰林院侍詔與聞出亡同聚神樂觀
議迎帝至家帝甫至而堂中棹楔無故墮地
帝驚逸邏者至以無所得乃已後洽訪帝於蜀道
病留公安茅庵中遂死

程亨澤州人爲翰林簡討聞帝出亡亨棄家逃後
以張昂黨屬被收逮亨妻楊氏子程禮子婦張氏用
火燒死亨就郭節於連州丁亥史彬與何洲至節家
求訪建文帝亨適在焉相持痛哭遂偕節及亨四

人同詣重慶不值又走雲南遇程濟於白龍山引拜
帝榻前見帝形容枯槁又慟哭留半年始歸

徐貞陝西人為工部尚書建文帝出亡留貞家信
宿事覺族誅又命教坊羣亂其妻至死有幼女隸樂
籍樂官陳儀陰養之不令污洪熙初遇赦儀為擇嫁
良家儀在穢籍而能執義如此

石匱書曰昔徐偃王愛民無權曰吾賴於文德而不
明武備及走死彭城羣臣從之不忍去中山君出亡

挈戈隨者二人雖曰得士之報要於大誼有不可解者若夫枕股易壤之事君則失矣臣亦未為得也趙襄子賞功高赫無功而上賞曰拘厄之中惟赫也不失臣主蓋臣主之義死生以之詎得以拘厄失哉

陳迪等抗節死者二十六人

陳迪宣州人個儻有志操洪武間辟郡學訓導為郡太守草表賀萬壽高祖覽而異之十二年以通經薦召為翰林編脩累遷侍講出叅議山東丁內艱奪

為雲南右布政時普定曲靖烏撒烏蒙諸蠻亂迪用
土兵擊破之 建文帝即位徵迪為禮部尚書靖難
兵起與齊泰黃子澄上疏陳大計極論李景隆奸邪
不可任軍權奉命督軍諸過其家不入及聞變即赴
京師 文皇召迪責問迪嫖罵不屈遂收其子鳳山
丹山等六人同日棄市鳳山臨刑而泣迪怒叱之罵
文皇 文皇使喚六人單古嘗迪曰悅口否迪曰是
忠臣孝子之內云胡不悅遂俱斃死妯威連坐亡筭

迪死衣帶中得其詩及五噫之詞蒼頭侯來保拾迪
骨歸葬計家橋姻戚之連坐者掘而投諸溝成化間
寧國通判陳紀具衣冠重葬之碧泉山郡人私謚曰
靖獻

暴昭潞州人洪武初繇國子生授大理寺司務耿介
有峻節歷官清儉布衣麻履而已 建文初以刑部
侍郎克北平採訪使甫至境聞變亟歸言狀建文二
年謫平燕布政司於真定陞昭刑部尚書掌司事平

安諸兵敗召歸京師靖難兵入出亡被執及見甥罵
不屈去齒截手足罵益厲至斷首乃已

茅大芳名誦以字行泰興人博學能詩為人敦大和
雅不諂不亢辟典教淮南以考績入對高祖悅之
擢秦府長史勉之董仲舒曰六王相累官副都御史
燕兵日下寓詩淮南守將梅殷忠義激烈聞者壯之
壬午逮至責問不屈與其子順童道壽文生同日棄
市二孫添生歸生死獄中

司中、華昌人。洪武二十九年，以監察御史署都察院。三十年，擢右僉都御史，靖難師入，召中不屈，命以鐵帚刷其膚，肉至盡而死。姻婭同死者八十餘人。

胡閏，鄱陽人，嘗畫松長沙王廟壁，題曰幽人無俗懷。寫此蒼龍骨，九天風雨來，飛騰作靈物。太祖下饒。

州，見詩賞之，召立帳前。久之，官都督府經歷。建文

中以直諫著名，遷右補闕，累進大理寺少卿。數與齊泰等圖，圍燕。壬午七月，不屈，誅。一、淪死二子戍邊。

妻配象奴女卻奴錄教坊煎黑汚面誓不辱後遇赦
歸貧無依止閭里競資遺焉曰其父忠年五十六終
尚處子鄉人私謚曰忠胤貞姑

高翔朝邑人洪武中以明經徵監察御史有所論奏
多被采納文皇聞翔名召翔喪服入見大哭語
不遜遂族之沒其產發其先墓裸燒以犬馬骨揚其
灰加賦給產家曰令世怒翔也

戴德彛奉化人洪武二十七年進士第三人授翰林

院編脩陞侍讀以直諫改監察御史 建文初改左
拾遺與齊泰黃子澄等謀畫防燕內難平逮至不屈
死之德彝有嫂匿其遺孤法吏迫索之奴兩乳見五
臟終無所承德彝曰有後

程通績谿人祖平戌延安有同謫而旅死者平遣子
以誠負遺骸歸其家其家不納乃買地塋之通以貢
入大學聞父喪徒步歸廬墓哀毀三年乃歸妻子不
相識通乃上書乞還祖戌書奏 太祖憐之命兵部

陰召平至立通階下東西向 上顧通曰識此人否

通祖孫相持泣哽咽不能仰視 上嗟歎久之命兵

部除其籍驛送平還鄉平死通浚廬墓三年以舉人

為遼府長史靖難師起從王渡海來朝歸國草上封

事防禦北軍凡数千言初衛士紀綱者倖於遼王通

輒窘辱之 文皇即位綱入賀留為錦衣衛復倖用

事秉問言通曩有封事詔械詣京師論死家屬戍邊

錄其家得田數畝遺書數百卷牯皮數張而已時通

郡太守黃希范與通善詔書至時希范自輟郡素服
不事；衛卒并捕至論死籍其家

王度歸善人以明經薦監察御史糾彈不避權貴與
齊泰黃子澄等調度兵食東昌小河之捷並用度策
壬午戌賀縣坐出不避語夷族

黃冠閩人禮部侍郎古雅有文與尚書陳迪侍中黃
觀同事迪觀皆器重之靖難後不屈死

甘霖懷定人以舉人為監察御史劄介敢言靖難後

抗節死戒子孫務農毋仕

黃彥清歙人以國子監博士從梅殷半坐私謚建

文帝死或曰列卿也銜命於行省聞登極詔至拒不

納圖興復無兵乃死

宋徵浙江人為宗人府經歷上疏請削有罪藩王藉

諸王皆怒耿炳文李景隆戰數敗徵謂其有二心屢

與盧振謝昇牛景先請誅之靖難後縛至不屈死并

殺其孥而振昇景先亦皆死

郭任升徒人或曰定遠人廉慎有吏才仕戶部侍郎
治粟足軍不屈誅子二一坐死一成廣西三女給配
象奴

盧迥或曰珙仙居人喜飲酒歌詩不屑曲謹以戶部
侍郎不屈長謳而就刑

侯泰南和人以刑部尚書轉餉淮濟諸部至高郵被
執不屈文皇即位誅弟敬祖子玘皆坐死妻配象
奴子京兒繫獄不知所終

周璿青州人以神策衛經歷言事擢右僉都御史京師陷不屈死之妻王氏子蠻兒皆入官為奴

董鏞長沙人以文學薦入太學為監察御史凜以氣節自持見廷臣有懷二心將校有戰陣不力者輒露章劾之請難後逮至不屈磔於市女發教坊娼族死戍者二百三十八

謝昇沛縣人以監察御史練兵給餉夙夜効力請難後不屈論以父旺子咬兒謫戍金蓋妻韓氏發立福

軍中四女送浣衣局

丁志方，聊城人，以進士為監察御史，燕兵薄城下，謂其妻曰：「吾死國矣。」爾撫幼子以繼，吾後入宮救火，被執，陛見不屈死之。

楊仕嘉興人，繇人才擢知袁州，與黃子澄意氣相許。壬午國變，子澄至蘄州，約太守航海，善不可乃至。任家與任謀求舊君圖大舉，事泄被擒，至京與子澄同日棄市。

龍鐔萬載人為晉府長史燕王以靖難起徵兵於晉
鐔以大義拒之文皇即位詔械鐔至強項不屈曳
出斬之

盧振不詳其籍靖難兵起日與齊泰黃子澄徐輝祖
等謀畫戰守文皇逮至振厲聲不遜乃數其罪榜
掠而死姻族累者百餘人

韓永西安人建文時為兵科給事中豐幹美髯音
吐宏朗論事慷慨靖難後杜門不出召之仕不應曰

吾王蠲也遂坐死

巨敬平涼人初為監察御史伉直敢言建文中為
戶部主事清慎有聲見成祖不屈族

連樞襄垣人洪武中以太學生授左春坊太子贊善
啓沃甚多太祖美其剛正改御史久任十餘年北
兵起與御史董鏞相誓死燕王至金川門開樞
匍匐迎猝起麾拳冒馬首欲犯王不得被縛辭色不
屈引頸受刃有白氣冲天尸僵立不朽

劉固亦真寧人以儒士授青州教諭建文元年以母
老乞歸清為御史移書招固固依清同居京師金川
門固回弟國勸固出降固曰固受朝廷厚恩以老母
在未能即死矧降耶後清遇害連及固遂與弟國母
袁氏妻張氏同日受刑於聚寶門外固年十五
有臂力臨刑仰天一呼細索俱斷因奪僧子刀連殺
十餘人事聞記碟之

石匱書曰自古死義之臣無如革除諸臣之多亦無

如革除諸臣之慘夫人孰不畏死至於斷舌碎骨湛
宗燔墓而不顧則萬乘之威亦幾於殫矣程濟載
建文逝蜀時夜聞諸臣慘死事泣然曰我獲罪於神
明矣諸人皆為我也傷心之言一字一淚

黃觀等殉義死者十五人

黃觀貴池人初從父贅姓許幼學於元翰林黃昇
死即觀以忠義自勵洪武二十三年貢入太學發解
明年會試第一廷試對禦戎策擢狀元授官翰林脩

撰復黃姓歷尚寶司卿 建文初遷禮部右侍郎更

定官制增左右侍中員次尚書改觀右侍中與方孝

孺等日見親用 文皇索齊黃時觀草制極其指斥

建文四年北師渡淮觀奏詔徵兵上游率諸郡入援

至安慶聞金川門失守大哭歎曰吾妻素有志節其

死矣夫招魂而祭之至建德聞曰宮已焚失帝新皇

帝三日矣觀謂舟人曰羅刹之磯端棹可鼓也至

磯服朝服東向舟拜投滿死舟人撈之得其帽棕珠

系 文皇捕觀急人以其帽系獻命東甬象觀帽而
對於市籍其家并連其姻黨百餘人而觀妻翁氏城
破時果死翁氏者池口人 文皇登極而問壘曰尚
壘者誰也已知為觀命執其妻子得翁氏使象如妻
之象奴將翁氏至家出市酒脯欲與成婚翁氏携其
二女及家屬十許人自湛通濟川河夫人赴水時嘔
血於石成小影陰雨則見之相傳為大士影戒勿踐
有僧昇致菴中夫人見夢於僧曰我翁夫人也曰沃

以清水悲悽之容恍然側立東向髻髻鬢鬢見者愴
惻少司空徐良彥移置侍中祠額其上曰翁夫人血
影石

黃鉞常熟人少好學家無書日遊書肆借觀之竟日
不歸鉞父見其子好學甚恐為郡縣所知數懲之不
能止有田數畝在葛澤陂令鉞督畊其中從友人家
借書道中披覽比至陂輟書每以為恨里有隱士楊
澹見鉞持書倚簷讀不輟乃曰監子好學至此吾有

書數萬卷汝當就吾舍讀日令其子福同學三年遂
盡其書縣聞之辟賢良併辟福濙老不令福去錢獨
就辟除直章典史洪武二十二年舉湖廣鄉試明年
登進士授給事中 建文初丁父艱方孝孺弔之屏
左右曰北方不靖蘇常鎮京師之左輔也君吳人三
郡守將公寧習之乎孰可托大事者錢曰三郡皆要
鎮江為最守者不可不擇鎮江將童俊狡獪不足恃
蘇州守姚善仁心為實雖慈惠有餘顧平居激烈有

國士風緩急可當一面惟公留意孝孺喜因鉞為書
通善得書慟哭自誓既童俊以鎮江降靖難師日
近善受詔約鉞出勤王既至燕王已即位詔收善
麾下百戶許斌縛善邀賞鉞聞之遂絕食閉目三四
日求死或傳善款服已得宥鉞復瞪目曰吾知善決
無是姑待之脫姚公果不死吾將下報爺直乃稍食
水糧已聞善死鉞登琴川橋西向再拜祀而哭之曰
吾與君同受國恩國有難義同許身今君與爺直同

死吾忍背義獨生乎祀畢給家人歸祭具遂投橋下
死鉞死家人皆驚散不敢求其屍友人楊福具歛於
溪循河而號數日屍出水中立福痛哭抱持歛而葬
之於屏上

陳性善名復初以字行山陰人洪武十八年進士授
行人司副改翰林院簡討善楷書召書御前他中書
見上威嚴顫不能筆獨性善動止安詳稱上意
賜酒留禁中竟日累遷禮部侍郎建文帝即位召

問為治之要性善手書條上具見施行靖難兵起以副都御史監軍靈壁與大理丞彭興明欽天監副劉伯完指揮王資等皆見執燕王遣之歸曰辱命罪也不可還見君朝衣而湛於河

王良祥符人歷官刑部侍郎建文中坐問燕府人罪不當左遷浙江按察司使謁岳鄂王墓誓曰苟媿武穆非人也壬午聞帝遜位去痛哭自誓文皇使召之良戮使者下之獄為衆篡取去乃盡收諸司

印章入解置几上踞踞久之其妻問故良曰我分應
死顧思所以處夫人耳妻曰君為男子謀婦人耶是
不難入治食抱幼子之後園真池畔側自投於池良
乃托其幼子同官積薪自焚上曰死良分耳乃燬
縣官之章徙其族塞下

程本立崇德人宋儒順之後也讀書不務章句與海
鹽沈壽康金華朱克脩相友善洪武中以明經除周
府禮官陞長史被累謫雲南吏目雲南百夷叛本立

持襖被從一蒼頭入夷壘感諭諸首皆解散頃之復
相聚為亂沐英張統屬本立治兵本立往來暴露綏
集軍民 建文三年為僉都御史坐失祠右遷江西
副使既就道聞難自縊途次

王叔英黃岩人洪武中與楊大中葉見泰方孝孺林
石並徵至京叔英回辭還鄉已辟為仙居訓導陞漢
陽知縣 建文初孝孺欲行井田叔英以為難行移
書力阻之召為翰林修撰復上書曰 太祖除奸剔

穢抑強鋤梗如醫去病如農去草去病急或傷體膚
去草嚴或傷禾稼病去則宜調燮其血氣草去則宜
培養其根苗 建文帝嘉納之與方孝孺日見信用
靖難游兵逼江干叔英奉詔募兵行至廣德聞 建
文帝遜位大慟會齊泰未奔至叔英曰泰貳心矣令
執之泰告之故乃相抱慟哭與泰圖後舉已至事不
可為沐浴衣冠書絕命詞藏裾間自經於玄妙觀銀
杏樹下

王艮吉水人 建文元年鄉薦第一明年廷對進呈
擬第一以貌不揚易胡靖次艮又次李贊並授翰林
艮聞靖難兵起憂懣不食及渡淮與妻子訣自誓必
死金川門破胡靖解縉吳溥為艮鄉人皆集溥舍縉
陳說大義靖亦憤激慷慨艮獨流涕不言溥曰三子
受知最深事在頃刻若溥去就固可從容也別去時
溥子與弼尚幼歎曰胡叔能伏節大是佳事溥曰不
然獨王叔死耳語未竟隔壁聞靖呼曰外間甚可省

豬溥顧與弼曰一豬不忍寧自忍乎湏臾艮舍哭已
伏鴆死矣靖縉與貫皆迎附永樂蒞柙出建文時羣
臣封事十餘通命貫縉等編門留軍馬田戶數盡焚
諸干犯者因從容問貫縉等曰奏疏中爾等宜皆有
之衆未對貫頽首曰臣貫未嘗有也 文皇曰爾以

是為美耶食其祿思任其事當國家危急時官近侍
獨無一言可乎朕非惡夫盡心於建文者但惡導建
文壞祖法亂政耳爾等前日事彼則忠於彼今日事

朕當忠於朕不必曲自遮蔽也後貫遷中允坐累繫
十年竟死獄中

龔泰義烏人幼孤其母使就傅日記數千言長從宋
濂之門人宗思睿游洪武十九年以鄉薦官兵科都
給事中燕兵至城下泰訣別其家人入宮救火兵較
執以見燕王燕王曰非奸臣也釋之泰自投城下死
妻傅氏負遺骸歸塋于永吉累官兵部右侍郎

周是脩名德以字行江西泰和人少孤力學洪武中

舉明經為霍丘訓導入見 高帝：問其年而曰：何以教霍丘對曰：臣年四十矣，臣教霍丘令其子弟孝弟力田。高帝喜，擢周府奉祀，逾年從王北征，陞紀善，常切諫。王：建文初有告王反，官屬皆下吏，是脩以嘗諫得免，改衡府紀善，好薦達知名士，數陳論國家大計，靖難兵既渡淮，與靖江王府長史蕭用道上書，指斥用事者誤國，金川門破，乃銘其衣帶，詣學宮自經於文廟之廡下，是脩外和內剛，志操卓犖，非其

義也一毫不苟取常曰忠臣不為得失計故言無不
直貞女不為生死累故行無不果乃輯古今忠節事
為觀感錄其學自經史百代至陰陽醫卜靡不講究
著書甚多世皆重之初與楊士奇解縉胡廣金幼孜
黃淮胡儼約同死義惟是脩不負其言既歿陳瑛言
其不順天命請與廖昇黃觀王叔英王良如追戮
文皇曰彼食其祿自盡其心耳置不問後楊士奇為
作傳語其子轅曰當時我亦同死誰為爾父作傳萬

曆中督學御史饒位即是脩死所立祠祀之

方法桐城人舉建文己卯鄉試為方孝孺所取士授
四川都司斷事蒞官抗節持廉 文皇即位諸司皆
表賀法不肯署名尋被逮舟過安慶投江死

張安為指揮被執道亡隱於樂清以樵為業人莫知
其姓氏自山採柴歸聞京師陷卓侍即被殺籲天號
哭曰國既就篡我不願為其氓遂棄柴投港死

陳思賢茂名人教授漳州學每行部使者至叅謁畢

必進問 聖躬安否何似 文皇即位詔書至有司
皆郊迎思賢獨不往泣於學堂曰明倫之義在今日
矣有六生者相與即堂臨舊君遂見執而六生皆自
縊六生者伍性原陳應宗林珏鄒君默曾廷瑞呂賢
皆漳人

王省吉水人洪武五年鄉薦後以文學徵乞便養得
浮梁教諭凡八年改濟陽靖難兵至省為游兵所執
從容引壁詞義慷慨衆舍省歸坐明倫堂伐鼓聚

諸生謂曰若等知此堂何為名朋倫今且勿多論只
說君臣之義何如遂大哭諸生亦哭省以頭觸柱死
女適邑人周鳳岐從官即墨簿聞請難兵至濟陽逆
知父必死泣請於夫遣人往收遺骸後育司祀之學
宮子禎為夔州通判亦抗節死寇難

張安國之海人 建文中為工部郎中壬午燕兵迫
京師國與妻曰大事去矣無能為也予職非司馬既
不能帥兵應敵又不能屈膝事人奈何妻曰盍去諸

國曰然乃與其妻乘舟入太湖忽聞人說京師陷
皇帝自焚安國大慟與妻曰食人之祿而存身於新
主之世耻莫大焉乃鑿其舟以沉

徐子權新淦人洪武乙丑進士為刑部主事靖難師
入聞練子寧死慟哭賦詩有翹首謝京國飛魂返故
鄉之句自往死

林英古田人洪武中為監察御史建文嗣位請裁
抑宗藩勸上行主父偃之策不聽復奏劾李景隆誤

國下都察院考訊謫知瑞安靖難兵起都御史景清
言於上復英原官命與脩撰王叔英募兵廣德比至
勢不可為歎曰臣生無補於時死有負於國天命將
傾力難以濟再拜自經

石匱書曰人臣大不幸卒當國變身如抗上肉耳石
火電光應手而滅蓋事出倉卒我不能自主之也至
於身在羅網之外猶必轉展徊翔以致其命人知人
死之不如自死之為愈不知人死之不如自死之為

難也以赴湯蹈火為着衣喫飯是可易言哉

張易等首事死者五人

張易澤州人洪武中以人才舉建文初諸藩不靖
齊泰請選朝臣有才望者出守藩易以刑部侍郎掌
北平布政司左布政與都督謝貴同監燕其時都督
宋忠屯開平耿獻忠遼東左僉都御史景清署叅議
與易貴皆智將望臣一時所特簡易至燕王召與忠
等宴之而使相士袁忠徹執壺私視五人相宴罷還

報曰臣視五人者皆不長張易五小蛇步謝貴氣促
宋忠五大短而昏耿獻可插髮色類飛火景清身短
聲雄是皆當刑易居北平以詞燕為事燕王稱病三
月易欲言恐泄乃托行旁縣密屬奏成紮其章初
中良久如廁以紮室壁罅小吏李友直奈亨竊窺之
得其壁罅紮居亡何詔與謝貴逮縛燕校尉奈亨且
收王友直懷其草紮密告與奈亨亡入燕府見燕王
曰殿下尚坐此耶王曰何者友直曰當順天應之矣

王叱曰狂夫何妄言二人具道姓名出草繫密旨獻
曰朝使至矣燕王怒遂出之則皆叩頭曰臣等非異
間諜而誠歸殺下出亦死不出亦死寧以此未能曰
信夫擒曷貴餘無能為也王乃伏士端禮門召曷貴
官校縛矣則取去曷貴信之皆入至門者止其從
內曷貴伏出擒為指揮彭二馳市而呼兵亦為燕將
所格殺曷貴死既靖難族曷家株連其親戚法司
以程亨者五人見成祖曰張曷之親與鐵同頑直須

爐冶耳命引出生燒之其後上數夢曷為厲掘曷屍
燔之

盧振燕護衛指揮 建文皇帝建燕官較令曷貴密
約振為內應曷貴既見殺遂殺振夷其族奸臣榜四
十四人武臣惟振與鑄鏞宋忠與焉

葛誠未詳邑里以進士為燕府長史靖難師未起王
使誠入奏事覲朝廷所為 建文帝密問府中事誠
具以實告遣還使為內應師將起誠切諫不聽及詔

讓燕王稱病盛夏擁火猶謂寒甚張曷等入問疾誠
密言王無恙至為備又密疏以聞及曷貴死王恨誠
殺之夷其族

石匱書曰今夫僦載者為軸之折也有加轅軸其上
以為造不知轅軸之趣軸折也張曷等之訶事北平
是加轅于車上也其折也速矣獨念葛誠等非王之
輔導則王之護衛也潛即龍飛魚蝦夾附從龍其任
也乃獨克勤公家釐骸報主則視彼玄武喋血朝射

鈞而夕委贄者人品相懸一至此哉

張純等事後死者六人

張純富平人以明經為雲南左布政使考滿入覲治行為天下第一特令吏部勿考賜璽書曰曩者討平西南夷命官撫守爾純實先往任今五年言出則諸夷聽服令布則四野懽忻皆繇誠信相孚克共乃職今年来朝不待考而朕知其功出乎天下十二牧之首故嘉汝績復命仍治黔南賜宴及道里費建文

帝立徵拜吏部尚書燕王靖難討奸黨有統名及即位召統與戶部尚書王純諭曰卿二人久事皇考習知典故今皆老矣其解職務月給尚書半俸居京師視時政有戾舊制並向朕直言無隱庶稱朕厚望老成之意統退遂自經於吏部之後堂

毛泰一曰泰亨浙江人建文元年為吏部左侍郎而張統為尚書靖難兵起泰數上封事條言畧張統死泰亦死之

樓璉金華人從宋濂學歷官監察御史謫戍雲南建
文中以文學舉入翰林遷侍讀方孝孺以不肯艸詔
被戮復改樓璉：皇遽不敢辭歸即憤剡自恨而投
繯死之

林右臨海人洪武初中書舍人與方希直王原采交
厚奉璽書行邊有戡之功進春坊學士輔導太孫以
事謫中都教授挂冠歸靖難師入聞希直族誅為位
哭於家永樂戊子島夷入台州督郡中子弟剿平之

上以此知右遣使召之不赴令武士械至京師解縛
溫諭之使就官右對云罪人逃死已久藉令可仕當
與方孝孺同朝矣 文皇怒曳出剮之竟死

嚴震直烏程人洪武五年起家布衣歷官工部尚書
靖難兵起震直督餉齊魯兵敗為北兵所縛置布囊
兩馬夾昇至北平 成祖登極復其官出使雲南見
建文皇帝悲愴不食吞金而死

平安初名保兒滁州人以叅將副平燕將軍李景隆

北伐安殪陳亨於華山敗朱能於濟南戰東昌斬張
玉戰小河殺王真遇王於北阪戰幾及王馬驚胡將
火耳灰之銳亦距王十步之內燕胡將信射踏火耳
灰馬乃擒馬戰之夕燕王夢厄於平安有白馬將自
西馳斷安馬足問焉對曰臣華之神也燕兵至靈壁
安逆戰兵皆倒戈安被執燕王謂平安曰淝沂之戰
爾馬不驚何以遇我曰累臣不佞敢效鉛刀燕王曰
壯士衛送北平令太子善視之尋掌北平都司至京

陞都督僉事永樂七年 文皇召安忽問曰保兒而
尚無恙喜而弼之也出則自經 文皇悼歎曰予錯
矣

石匱書曰雷霆之下物無不糜七君子者未免小懼
威嚴而終以死殉易謂不遠之復統等是矣乃論者
以其死轉委蛇為未盡處死之道則程嬰死於十五
年之後者猶不失為趙氏義士而統等或死於數十
日或死於數年後者豈遂不得為避國忠臣哉

姚善等勤王死者六人

姚善安陸州人洪武中以舉人領初門丞兩轉廬州
重慶同知皆以循吏聞久之遷蘇州知府靖難兵起
善密結鎮常嘉松四郡守練兵勤王未及戰 文皇
即位詔索黃子澄急于澄在善所約共航海善曰公
可去善不可去公朝臣可四往號召圖興復善職守
土義當與城存亡子澄遂去善為麾下許千戶縛獻
文皇詰善曰一郡守而舉兵抗我耶善厲聲不遜死

之年四十三于節謫戍幼子繼兒隨母宋氏給配保
兒頂兒習匠

陳彥回莆田人以明經為保寧府學訓導三考至京
承顧問陞平江知縣高帝崩彥回入臨給事中楊
惟康薦其文學廉幹陞徽州知府靖難師起彥回奉
命募義勇至京師赴援事之詔械至京不屈而死年
四十七配為奴

周繼瑜撫州人建文中為松江同知勤王詔下繼瑜

楊募義勇入援極詆靖難兵中思違義 文皇即位
械至京師不屈磔於市

張彥方龍泉人建文元年為給事中以便養告改樂
平知縣四年詔下勤王彥方糾義起兵一邑嚮應或
阻之彥方大哭曰君父在水火吾可自緩乎遂率所
部江口遇靖難游兵執至樂平梟其首暴屍麗譙時
暑月經旬顏面如生無一蠅集父老竊塋縣治之清
白堂後

王璉日照入洪武末為寧波知府居官廉潔自奉薄
一日饌無魚肉撤而瘞之號埋美太守靖難師至江
璉造船取海道勤王縛至文皇問造船何為璉徐
答曰縣海道趨瓜州截路耳文皇亦不怒放還鄉
孫鎮守衛輝亦抗節不附謫山海宣德初薦起上饒
丞不就號冲玄子以終

周縉武昌人以明經授永清典史攝令事靖難兵起
郡縣皆迎降永清在近燕縉極力拒守無援之者懷

印走道聞喪母奔歸裏事畢即出糾義旅勤王戰艦
戎器畧具聞王師燭乃走匿民間械送京師 陛見
縉應對慷慨宥死謫戍興州居數年子代還屏跡田
園年八十終

石匱書曰唐時安祿山反河北州縣望風瓦解玄宗
嘆曰二十四郡曾無一人義士耶此時倡義勤王猶
不易得乃姚善輩募兵入援皆以身殉業血射天
不可射然其志之悲也精衛啣西山木石以填渤海

事雖無成君子亦取其志也矣

顏伯瑋等城守死者十二人

顏伯瑋名環以字行廬陵人唐真卿後也以孝友嫻睦稱鄉里徵賢良為沛縣知縣燕游兵過沛三人竄匿伯瑋招集民壯五千築堡備禦益募士三千人北出山東助戰及燕軍至使其丞胡先告急徐州無援者乃令弟珏及子有為還告其父曰當死國敬白大人弗能予矣沛降伯瑋南向拜哭自經有為既辭不

忍去還自到伯瑋旁而沛主簿唐子清典史黃謙亦
皆不屈死

向朴慈谿人宋文簡公敏中十四世孫父壽宗慈湖
之學者稱為樂齋先生朴行務寔踐力學養親洪
武二十五年以人才應詔陞見太祖問居家何為
對曰種田問大吏何以四節對曰其占四時耳授獻

縣令靖難師起獻當兵衝無城廓朴集民兵激以義
勇與北將譚淵迎戰衆寡不敵被執懷印死年四十

三獻民哀之拾遺骸塋道傍

鄭恕仙居人寧波太守聘為昌國訓導尋陞知蕭縣
靖難兵南下恕上平燕疏遂糾義旅勤王嬰城死守
事之械至京不屈死之籍其家二女當配亦死于瀕
浞姪溫汲謫北平種田台人祀之八忠祠

鄭華臨海人洪武中進士以行人謫東平州更目靖
難兵至東平州長貳皆棄城潰散華謂其妻蕭氏曰
吾城亡與亡奈父母老若年少何蕭氏泣曰卿不負

國宴散員卿華曰足矣率吏兵憑城堅守力不能支
不食五日而亡

陳植廬江人元末舉鄉試不仕洪武間起吏部主事
歷兵部侍郎監戰江上有督將謀降燕者植責以大
義督將恨殺之出迎降而自陳功於成祖成祖
乃立誅督將使人歛葬之植家不知上意逃匿無
敢會葬者

樊士信應城人洪武十八年進士建文中以兵部主

事守淮河北兵南下士信力不能禦遂自經死之

葉福侯官人建文庚辰進士官刑科給事中北平師起福守金川門死之初福見金陵勢偏自誓必死乃遣家人歸報其母曰不得為孝子矣又嘗語客曰蓋氏所欲有甚於生吾人心事不當爾耶

王彬兗州人洪武中進士為御史按揚州靖難師至彬與指揮崇剛嬰城死守北兵畏之射書城中購得王御史者爵三品彬指揮王禮欲內叛應之剛知白

彬下之獄而彬出入常以一力士自護禮弟宗乃賂力士母召出休暇宗等突入厠會彬浴從盤中縛去投城下界北軍崇剛亦見擒二人皆不屈死正統間白日現形親與提學副使劉瑞談其死事

石撰定州人洪武中為寧府長史靖難師至所遇郡縣皆下撰獨死守太寧不得即拔燕軍破入乾撰終不屈支解之

石撰書曰文天祥不死即一旅之師一成之衆猶思

石撰書

卷七十三

城守死者列傳

三鳳燹堂

恢復故土為主報仇人謂宋亡而天祥之心斷不亡
宋也伯瑋等義在守土與城存亡豈不知天下事不
可為乎辭猶日食之時百官伐鼓謂救日也夫日豈
可以鼓救哉亦自效其扶陽之誠而已矣

馬宣等陣亡者十四人

馬宣北平都指揮張島謝貴既見殺宣巷戰不勝走
薊州逆戰不利還與鎮撫魯濟守薊朱能張玉諭之
不下擁衆攻之宣濟敗皆不服死宣尤嫺罵不絕口

事聞 建文帝褒卹焉而又有都督彭聚孫泰者皆
以力戰敗死於懷來

朱鑑以都指揮守大寧北兵至諸將悉屬獨鑑結關
見執燕王使磔至死無異辭 建文帝憫而厚其卹
贈

瞿能合肥人建文初為都督僉事副曹國公李景隆
伐燕至北平能力戰鋒銳甚與其二子帥騎千餘殺
入張掖門景隆容止之不得進戰白溝河瞿能偏之

燕王馬三劍三易盾及馬尾會旋風起折將旗王見其陣動乃與高煦以生騎乘之南軍大敗遂斬能父于於陣

余瑱北平衛指揮使與謝貴備燕貴死走保居庸關瑱簡練關卒得數千人將進攻北平燕王曰居庸為北平咽喉瑱據此則拊我背矣悉力急攻瑱請援不至棄關走懷來依宋忠又戰敗北兵紹曰石頭城亦破矣瑱曰石頭城便破吾亦不舍懷來力盡被執

不屈死

宋忠以都指揮總邊兵三萬屯開平盡簡燕府護衛
壯士從之又以都督徐凱屯臨清耿璈屯山海與忠
相犄角靖難兵起奪居庸關忠不敢進退保懷來燕
王曰宋忠虎踞懷來居庸非吾有矣宜乘其未至擊
之遂以勁卒八千疾趨忠未成列一鼓而敗忠死之
莊得為西涼都指揮隸宋忠麾下懷來之戰惟得一
軍獨全後盛庸夾河之捷得助庸斬燕驍將譚淵已

而北師乘暮劫寨得力戰死之

楚智洪武中稱驍將歷陞都指揮使建文初守北平
尋召還徙李景隆統騎兵遇北師輒奮力戰夾河之
役死於陣

張能以都指揮充偏將力挽千勦每遇北兵輒揮皂
旗先登軍中呼為皂旗張轉戰山東屢有俘馘至夾
河力戰死猶執皂旗不仆北軍異之

小馬王失其名以常騎一小馬故名官指揮臨淮人

白溝河之敗脫胄付其僕曰吾為國死以此報家人
立馬豎鎗而死

宋瑄鄆國公晟長子建文中為府軍右衛指揮使數
從諸將禦燕有功戰於靈璧瑄躍馬先登斬首數十
級已而諸營兵敗瑄格鬪力盡死

石匱書曰嗟乎諸臣之力屈被禽非罪也禽而降
而用乃非其初耳即之戰公叔禺人壯士不能死與
其童汪錡死焉孔子許其勿殤謂能執干戈以衛社

稷也故死於陣者上也死於纍囚者次也君子以為
猶勿死也

遜國隱遁者九人

雪菴和尚名暨不知何許人也入蜀為僧往來重慶
白龍山松柏灘諸處富人杜景賢心知其為建文亡
臣厚遇之為寺白龍山居焉暨居寺常讀易謬人為
佛經景賢恐其有踪跡不忍顯止之第曰和尚誦儒
非教也則請誦佛經暨從焉顧時：扶離騷鼓枻灘

上下當其急流朗讀之竟一篇輒裂以投灘已而哭
人莫測也日注壺酒待客或不至則邀諸兒醉歌以
為常暨頽形秀爽指柔白翦落筆成章意氣能感
人臨死其徒問曰師減度後宜名何許人耶張目曰
松楊問姓名不答

河西傭不知何許人衣葛衣出亡乞食於金城金城
極寒善寒終冬衣其故葛後客河西傭莊浪魯家漸
得直買羊裘雖披裘必覆其故葛纒纒也而時聞

作苦自吟或為夜哭者其後宋將軍出兵莊浪有留
都官從識傭欲與語傭避匿南山中旬聞其去乃出
疾謝魯主人曰我死幸無收有西北風大起火我骨
灰揚之及卒主人如其言

補鍋匠亦不知何許人往來夔慶間為人補鍋過州
邑不出三日即去復來受直亡所選或得食即不
復索直若風雨寒暑即閉戶不出有從學補鍋者第
令為之荷擔不受其謝夔慶間呼為老補鍋嘗逢馮

翁夔州市中相持哭、已入空巖屏語竟日又相持
哭別去莫知其終也蜀中峨眉亭有詩句一個忠臣
九族殃全身遠害亦天常夷齊死後君臣簿力為君
王固首陽云是其手跡

馮翁亦不知何許人以章句訓蒙夔中善屬對歌詩
詩後自題馬二或為先生或塞翁常大書歌詩壁間
見補鍋匠來即剗去未幾去莫知所之

東湖樵夫不知其姓名樵臨海東湖上鬻薪自給口

不二價士午詔書至臨海湖上人聽詔縣庭歸語樵夫曰新皇帝登極矣樵夫愕然曰皇帝安在何乃新也曰北軍入都皇帝燒宮逝矣樵夫慟哭而投於湖玉華山樵名籍不傳永樂初突來東陽縣東山採樵自稱大呆子性天然惟披麻戴笠不服常服監桓於山南村落將死囑主人曰殮吾屍懸於林木足矣主人卒葬之

洞庭居士不知何許人永樂初隱於湖濱後有二人

至居一室常汎湖大醉輒大哭已病死二人營塋畢
隨去不知所之

樂清樵夫不知其姓氏市樵歸聞方博士卓侍郎等
殉難籲天號哭曰我安得為燕氓遂置柴杖橋下水
死

雲門僧者棲會稽之雲門寺：最幽寂嘗從一童子
携酒具筆墨泛舟而游賦詩滿袖歸則焚之不言其
所以人亦莫之識

石匱書曰雪菴和尚河西傭輩其為建文舊臣耶其非建文舊臣耶其哭其死抑為建文耶或自有所為耶殊不可解總之天地改革一切可駭可愕可悲可憤可涕可泣之狀借此數人發之所謂酒氣拂從十指中出去也後之作史者必寔以名則鑿矣

遜國隱遁者九人

松楊人王詔不知何時人遊治平寺觀轉藏上囑

嘆有聲異之緣視無所得：一書載 建文亡臣二
十餘人紙毀泥不可辨可辨僅九人目各為之贊梁
田王定海人官郎中與葉御史俱入山為僧贊曰行
儒名釋知我者誰至寶淪沒久而同輝

梁良玉中書舍人與田王同族訣妻子易姓逾嶺至
海南寓市肆鬻書為業以死黃曰忠臣蹇：連彼海
濤航書玩市資以盡簪屯如遭如哀：陸沉

何中不知何許人以中書舍人使蜀至峽間變慟哭

吐血疽發背死贊曰兩涯洵；中作霹靂義氣馮敷
與之俱激奸諛過此寧不惕息

宋和郭節皆中書舍人也不知何許人與海州何洲
相善靖難後三人皆變名挾卜筮書走異域賣卜給
衣食客死贊曰箕子陳範嚴氏隱卜義有從道有至
告烈：英賢寥：冥鵠

梁良用定海人父子兄弟同仕者八人皆變姓名為
人刺疆良用與其父子兄弟投水死者五人贊曰泛

泛柏舟載浮載沈中流誓楫懷我好音肯欠一死匪
名是尋以完我族庶明我心

梁中節定海人未詳仕何官也好老子書太玄經與
郭良棄官入山為道士後與文太師同宿公安佛
寺不相識夜深微聞兩人泣聲既去留姓名於紙始
知之乃作蕭寺黃冠夜泣詩贊曰駕言導引嘯傲林
皋顏波莫挽使我心勞

石廬書曰偉哉諸賢乎為建文死也然所仇猶從

義烏 高帝且食之人臣稱委質故主四面而改嚮
非忠也激憤而殉以明節也義衛志智衛身託方外
之棄跡下可見 故主無辱先人若梁田玉輩者是
矣

李景隆茹瑺陳瑛

李景隆盱眙人龍父岐陽王文忠封曹國公 高帝
賜手勅云九江體爾嫡祖忠孝不息九江其小字也
建文帝即位周王府人告變遣李景隆即訊景隆遂

執王補至京師廢為庶人燕兵起耿炳文敗績黃子澄薦景隆為大將軍賜斧鉞景隆驕倨自大諸宿將屬者咸不悅師次河間燕王聞之曰李九江今之趙括也其何能為及燕兵畧大寧景隆乘間搆北平葉釁九門攻之不克移軍白溝河燕兵至遣將陳暉逆戰敗績景隆盡棄其軍單騎奔德州復奔濟南及盛庸告捷始召景隆還諸臣請誅之不聽既而燕王兵至江口景隆與茹瑺奉命至燕軍議和二人陰納款

燕兵至金川門景隆遂與谷王開門迎降是年九月
進左柱國丘福等每言此降虜何以位我輩上已而
陳瑛劾景隆貪橫無狀詔去勲號絕朝請久之谷王
反造妖讖謂高帝十八子當有天下文皇疑景
隆姓追怒之曰汝昔將大將而賣而君能保終忠我
下之獄籍其田產令闔門幽禁不許通飲食絕喪塋
嫁娶者五十餘年景隆少時有相者曰腰膂厚重公
輔之相面如桃花當貧困以死至是果驗初文忠好

客道士張三丰數過其所及將別去留遺之策筌栗
丘曰有急可披策戴笠出丘相呼景隆家既閉發丘
而呼種栗即有獲 文皇見其突烟恠之既知心不
絕文忠不深錮也至英宗中許開門出 孝宗世其
玄孫璿南錦衣 世宗求其八世孫性績封為臨淮
侯九世孫言恭能文章交諸公卿間

茹瑺衡山人 建文初以司馬掌河南布政司事燕
師至江上 建文帝遣瑺詣軍中勞問瑺私稱臣款

附獻密計燕師遂從金川門入事既定詔稱王寧及
瑞孝於太祖忠於國家封寧順昌侯瑞忠誠伯寧
蓋駙馬都尉而與徐增壽為燕內間者也瑞尋加太
子少保永樂七年除名回籍家人與安告其隱事復
械至京久之得釋還家道徑長沙坐不朝谷王都御
史陳英劾之復逮下錦衣衛瑞懼命其子銓市砒霜
藏飯中送食遂死法司以聞銓坐殺父律論死婦女
送浣衣局幼男發鞍轡局谷王亦於永樂十五年陰

養死士降庶人銅南京監室自焚死

陳瑛河間獻縣人建文初為北平按察使受燕府金
錢通密謀為僉事湯宗所告逮瑛謫廣西 文皇即
位名為都御史 文皇欲為 建文帝報朝五日瑛
請減之又請追戮黃觀廖昇王叔英周是脩王良顏
伯瑋等 文皇曰朕舉義師所誅不過齊黃數輩耳
後來二十九人中黃福尹昌隆張純王鈺鄭賜皆有
而用之況不與其數者乎彼食其祿自盡其心耳方

孝孺諸獄宗戚受禍慘毒皆瑛羅織至胡閏一獄抄
提數百家男女至東市寃號之聲徹天兩列御史皆
掩泣瑛亦色慘謂人曰不以叛逆處此輩則我等歸
附為無名於是諸忠臣幾無遺類永樂七年給事中
耿通劾其明比蒙蔽誣構兵部主事李貞於死八年
中允劉子春劾其方命刻薄九年下獄誅之夷其族
石匱書曰忠臣殉國非求生也而終不死賊臣市國
欲免死也而終不生夫君猶天也天道殫然而善謀

疎而不失傳瑕服貳里克見佞謝晦狼藉柳燦塞謗
自以為有佐命勲永保富貴而皆不得良死皆天也
景隆等之凶終辱同等戮惜埒夷宗計其偷息賈榮
多不過八九年耳反面事仇死不旋踵其亦何利而
為之也哉

石匱書卷第七十三

明 劔南張 岱著

靖難死諫列傳

余逢辰南直宣城人為燕府伴讀靖難兵未起逢辰頗聞其謀遺書示子自必死及起兵泣諫死之杜奇北平人燕兵初起欲廣置羽翼下令境內舉賢良方正有司以名上奇極諫當守臣節燕王怒立斬之時方急兵事未暇逮其家即位後乃族

石匱書曰武王以八百國之衆不能抗首陽二士之
正論則夷齊不止為商寔亦為周也時無太公不能
扶去辛以諫死其遇亦不幸也哉但殷周鼎革如熊
如羆之士不可勝計而太史論列不得不推重餓夫
然則余杜兩生靖難諸臣又誰出其右哉